

ლიტერატურული გაზეთი

№2 (162) 29 იანვარი - 11 თებერვალი 2016

ბამოლის ორ კვირაში ერთხელ, პარასკეობით

ფასი 80 თეთრი

გიორგი ლობჯანიძე ძილ-ღვიძილს შორის

დღეს ყვითელ ავტობუსში ძლივს ავიჭეჭყე და ისედაც დაღლილს გვარიანი ხვითი გადამსკდა. კართან დავდექი. უკნიდან ვილატ ქალბატონი ზიზილო მომადგა და იმპერატორული ტონით მითხრა: ჩავდივარო! გაჩერდება და ჩაგატარებთ-მეთქი! ჩაგატარებთ კი არა, გაგატარებთო! — შემისწორა მედიდური ტურჩების პრუნვით. ვუთხარი: ახლა ამას რა მნიშვნელობა აქვს-მეთქი! როგორ! ქართული ენის დაცვა ყველა ჩვენთაგანის მოვალეობაა! — დამგრგვინა და ზრიალით ჩავიდა. ვერ მოვასწარი მეთქვა: „ჩვენთაგანის“ კი არა, „ჩვენგანის-მეთქი!“

არ ვიცი, რატომ გამახსენდა: მამიდაჩემის ქმარი ფრონტზე რომ გაინვიეს, ნაწვიმარი ყოფილა და ეზოში მისი ნაფეხურები დარჩენილა. მამიდამ ცელოფანი გადააფარა და თურმე მთელი წელი შეინახა ის ნაფეხურები. ბიძაჩემი ომიდან აღარ დაბრუნებულა. მამიდა 90 წლისა გარდაიცვალა, შვილებითა და შვილიშვილებით გარშემორტყმულ მარტოობაში...

თავისუფლების მოედანზე ერთი საცხოვრია, სადაც, ჩვეულებრივ, შუადღისათვის ხემს ვყიდულობ ხოლმე. დღესაც მივედი და რიგში ერთი ულამაზესი ზანგის გოგო იდგა, პირდაპირ წარმართი არაბების ნუბიური ქალღმერთი ალ-უზა...
ყველა იმას უყურებდა და მეც ხმამალა წამოცდა, რა ლამაზია-მეთქი. გოგომ გამიღიმა, სენქ იუო, მითხრა, რაღაც იყიდა და წავიდა. რა გნებავთო — მკითხა გამყიდველმა! ხაბიზგინა მინდოდა, მაგრამ ეგ ერთი ცალი, რაც დარჩენილია, არ მომწონს-მეთქი! — შე დალოცვილო, ის მოგეწონა და ამას მინუნებო? — გამომძახა შეურაცხყოფილმა მცხოვრებელმა, რომელიც გურული ქალი ყოფილიყო.

II-III




პაატა შამუგია

ალიბი

ციკლიდან „ფილოლოგიური ლექსები“

დავკითხოთ სიტყვები
ყოველი მათგანის მნიშვნელობა ყალბი ალიბია
რომლის მიღმა სისხლი იმალება
დანაშაულის კუდი მოჩანს აბზაცის ბოლოდან
სისხლითაა მოქსოვილი მისი გარსი
ფარდასავით უნდა გადასწიო გაქვავებული მნიშვნელობები
და აღმოაჩენ სიტყვა „კარადაში“ გადამალულ სიტყვა „გვამს“
სიტყვა „სიყვარულში“ ჩაშენებულ სიტყვა „ეჭვს“
სიტყვა „თავისუფლების“ უკან მიმალულ ლაჩარს
წარმოსახვის ფრაგმენტებს ველარ ანებებს ცხელი სინტაქსი
დავკითხოთ სიტყვები
ცრუმონმეა მათი საზრისი
კვალს გვირევენ
რომ სამუდამოდ ჩავიკარგოთ ფუძეკუმშვადი სიტყვის ნაპრალში
შეხედე
სიტყვა „პატარა“ უფრო დიდია ვიდრე სიტყვა „დიდი“
თვითმფრინავის შავი ყუთი არის ნარინჯისფერი
სიყვარული კი... აბა რა გითხრა...
ოდესღაც მეც ვიცოდი მისი მნიშვნელობა
ახლა კი საიდანაც უნდა გადმოვხტე
მაინც ენის ფსკერზე ვეცემი.

V



ზაზა ბიბილაშვილი

პოეზია, დანარჩენი ლიტერატურა, და დანარჩენი

2015

*
ეტყობა, ორი ლექსიდან ერთის წერა უნდა აირჩიო: 1) რომლის წაკითხვაც შეიძლება. 2) რომლის თარგმნაც შეიძლება.
ეტყობა, ბრიყვულად, პირველის წერა ავირჩიე. ჯერჯერობით.

*
ლექსის „დიდხანს წერას“, მგონი, ერთადერთი ნაკლი აქვს — როცა ის (ბოლოს და ბოლოს) მკითხველამდე მიდის, უკვე, დამთავრებული თუ არა, კარგა ხნის დაწყებული მაინც აქვს ავტორისგან გაუცხოება. თუმცა არის კიდევ ერთი — ნახევარნაკლიც: რაც უფრო ნელა წერ, მით მეტი რამ გრჩება უთქმელი. მაგრამ ეს რომ სრულფასოვან ნაკლად მოიხსენიო, ამისთვის ჯერ არათქმასთან თქმის უპირატესობაში უნდა დარწმუნდე...
ან შეიძლება, რაღაცებს ვიგონებ, სინამდვილეში კი ასაკის ამბავია — უკვე დიდი დრო მჭირდება იმისთვის, რამე მეტ-ნაკლებად ხარისხიანი დავწერო.

*
მთავარი უბედურება პოეზიის სრულყოფილად, სრულფასოვნად ვერთარგმნა კი არა, ამ მიღებული — არასრულფასოვანი და არასრულყოფილი შედეგის უმალლეს პოეზიად აღიარებაა — რაც, სულ ცოტა, პოეზიის ცნებისა და არსის გაბუნდოვანებას, გადღაბნას, შემდგომ (კიდევ უფრო) დამცრობა-დაკნინებას ეხმარება; შესაბამისად — ზოგადად, სალიტერატურო წყლის ამღვრევასაც, რაღა თქმა უნდა...

XII



ვერც ერთი ენა ვერაფერში გამოვიყენე, რადგან ის, რასაც ამ სივრცეში შენთან განვიცდი, არ ითარგმნება წუთისოფლის არცერთ ენაზე, მზად ვარ წრეზე დავეტრიადდე, თეთრი სამოსის კალთა უცხოოდ ავაშრიადლო, ვიდრე ხიდან ფოთოლივით ჩამოვწყდებოდე, გაგიჟებით ვიყვავილო და თავზე სულ ბუღბუღები დავისიო ვარდის ბალივით... ამ მოფარფარე მინისაკენ დამიზნებულ ყვითელ ფოთოლში შენთვის მუდამ ვარდის ბალი იგულისხმება, ურუანტელად მოფრთხილავ იადონები...

ვინა თქვა, ფეისბუქი რეალობას არ ასახავს: ვაჟა-ფშაველა აქ 169 ადამიანს მოსწონს, პარლამენტის თავმჯდომარე — 12 ათას რაღაცას...

ბავშვობაში ძალიან არ მიყვარდა. ის სულ ბირჟაზე იდგა. მე სულ წიგნებს ვკითხულობდი. საერთო არაფერი გვექონდა, და რადგან ქართულ გრამატიკას განსაკუთრებით კარგად ვსწავლობდი, ჩემი სიარულის მანერისა და გრამატიკის ამ სიყვარულის გამო „მორფოლოგია“ დამარქვა. მოკლედ, ვერ ვიტანდი... ახლა ჩემი კაცია, უენო, გულთხანი. რამდენჯერაც სოფელში მივალ, სულ თაზო უნდა დამეხმაროს. ხან შეშას დამიჩეხავს, ხან ნერგებს მარგვევიწებს, ხან მშენებლობაზე მენბარება. მოვა უსიტყვოდ, თავის გასაკეთებელს გააკეთებს და მიდის... ახლაც იატაკზე გამოიღ კაკალს ვაგროვებდი ტომრებში, მოვარდა, ცოტა ხანს უყურა ჩემს წვალეზას, მერე დაფაცურდა, მთელი კაკალი უცებ ჩაყარა, ორ ტომარას დაავლო ხელი, ზურგზე მოიგდო და სულ ჩხრიალ-ჩხრიალით ჩაარბენინა კიბეზე.

ყველაფერი იმით დაიწყო, რომ ამას წინათ ინტერნეტში ერთ საინტერესო ფოტოს გადავანყდი: ძაძებში გამოხვეულ ქალს ილიაში ლამაზი, ნითელიბიბილონი მამალი ჰყავდა ამოჩრილი და კადრი ფიროსმანის ნახატს მომაგონებდა. ისე მომეწონა, რომ ერთხანს ავატარადაც დავიდე. ცოტა ხანში წამოვიდა ლანძღვაკინების ნიაღვარი: როგორ ბედავ, ეს ხომ ქრისტიანობის შეურაცხყოფაა. ეს, იცით, ვინ არის — ამა და ამ მონასტრის სქიმონაზონი, ესა და ეს... დედა ... მოკლედ, ამის მერე სერიოზულად დაფიქრდი ამ ამბავზე. განა მონაზონს უნდა სურდეს, საერთოდ, სურათის გადაღება, მით უმეტეს, ასეთ მდგომარეობაში (დასაკლავი მამლით ხელში) და თუ ის ამ სურათს იღებს და ინტერნეტით ავრცელებს, მე რატომ მეკრძალება ეს სურათი ჩემს გვერდზე გადმოვიტანო... დღეს დილით კიდევ ერთი შეტყობინება (უფრო სწორად, შეკითხვა) გაჩნდა ამ სურათის ქვემოთ: „შენ მუსულმანი ხარ, ხო?!“ დიდი ასოებით და იგულისხმება, რომ დიდი გრძნობით მეკითხება ვილაც ბატონი, რომელიც ჩემს მეგობრებში არ არის, მაგრამ, როგორც ჩანს, ხელი მაინც მიუნდებდა ჩემს საჯარო პუბლიკაციებზე. როცა ჩემი რელიგიური მრწამსი შეიტყო, დამარგვა: ასეთი რამ ქრისტიანობის შეურაცხყოფააო. იქვე იმასაც ვუპასუხე და ახლა, აქაც მინდა, გავიმეორო: ქრისტიანობის შეურაცხყოფა სურათის გავრცელება კი არა, თვითონ ამ სურათის გადაღება და ინტერნეტში გამოდგება, ქრისტიანობის შეურაცხყოფა მშვერდ ხალხში ულტრათანამედროვე ჯიპებით გლიჯინია, ალსარების, ზიარების, ქორწინების საიდუმლოებებით ვაჭრობაა...

ამ სურათზე წერია: პეპელა, მისი მშვენიერების და მიუხედავად, მწერია, და კაქტუსი, მისი სიუხემის მიუხედავად, ყვავილი. მაშ, ნუ იმსჯელებ ადამიანებზე მათი სახელებისა და ფორმების მიხედვით, არამედ განსაჯე ისინი იმით, რასაც იფარავენ მათი გულები.

დღეს საღამოს შინ ვბრუნდებოდი და ქუჩაში ირანულ სააგენტოს ჩავუარე.

გიორგი ლობჯანიძე

ქილ-ღვიქილს შორის



გამახსენდა, რაღაცის შეკითხვა რომ მიწოდოდა და შევედი. ხომ არ იცით, ჩილიმის ნახშირი სად იყიდება თბილისში-მეთქი. ირანელმა დამაკვალიანა. მადლობა გადავუხადე და გამოვბრუნდი. უცებ მომძახის: ნაილეთ ჩვენი საეიზიტო ბარათი: ეგებ საქართველოში მუდმივ საცხოვრებლად დარჩენა გადანყვეტილება, უსათუოდ მიღებაში დაგვხმარებთო.

მოკლედ, რაღა მე და რაღა სულხან-საბა მუსხრან მაჭავარიანის ლექსში?!

გუშინ მეათედ ჩატარდა „საბა“. ამ ათი წლის მანძილზე მ-ჯერ ვიყავი ნომინანტი და 2-ჯერ გამარჯვებული. ამიტომ, ალბათ, დამეჯერება, ახლა რასაც ვიტყვი: არაფერი ღირს ნერვების ცვეთად და მითუმეტეს, სხვების შეურაცხყოფად. ყოველთვის ყველას მოსაწონი ქვეყნად არაფერი გაკეთებულა. ამდენად, თუკი სამი ლაურეატი მაინც ღირსეული გგონიათ, ესე იგი, ჟიურიმ თავისი საქმე პატიოსნად შეასრულა. წელს მეც პრეტენზიები შორთლისთის მიმართ უფრო მქონდა, ვიდრე საბოლოო შედეგებისადმი. ცხადია, ამ წლის მონაგარი მთლიანად არ წამიკითხავს, მაგრამ აშკარად მაკლდა: ნატო ინგოროყვა, ლელა კოდალაშვილი, მაია ქაცანაშვილის არაჩვეულებრივი თარგმანი და კიდევ, ალბათ, რამდენიმე წიგნი, რომელიც ახლა უცებ არ მახსენდება..

ჩემს სიცოცხლეში რამდენიმე წიგნი მყვარება ასე, როგორც სერვანტესის „დონ კიხოტი“. ახლა კიდევ ერთხელ ვკითხულობ მის შესანიშნავ სპარსულ თარგმანს, შესრულებულს დიდი ირანელი მთარგმნელის მოჰამად ყაზის მიერ. გამოცემას თან ერთვის მოჰამად ყაზისავე შესავალი — ესეისტური აზროვნების ბრწყინვალე ნიმუში. შესავლის ავტორი და მთარგმნელი აღნიშნავს: არსებობენ წიგნები, რომლებიც ერთი ერის საზღვრებს არასდროს სცდებიან. არის წიგნები, რომლებიც სხვა ერთა ენაზეც მკითხველთა გარკვეული კატეგორიის სიმპატიებს მოიპოვებენ, მაგრამ ისეთი წიგნები, რომლებიც ერთნაირად საყვარელი იქნებიან ყველა ერის ყველა კატეგორიის მკითხველისათვის, ძალიან ცოტაა და სწორედ ეს წიგნია „დონ კიხოტი“.

ამ თავისთავად მნიშვნელოვანმა ნათქვამმა სულ სხვა რამეზე დამაფიქრა: ნეტავ თავიდან ბოლომდე სულ რამდენ კაცს ექნება ნაკითხული „დონ კიხოტი“ მთელ მსოფლიოში ან თუნდაც ამ ჩვენს საქართველოში და თუ მართლა ამდენი ადამიანი კითხულობს ამ გენიალურ წიგნს, რატომ არ გახდა სამყარო ოდნავ, სულ ოდნავ უკეთესი?

საოცარი ამბავი წავიკითხე დღეს: ერთმა არაბმა (პალესტინელმა კაცმა) გერმანიის მშვიდობის პრემია მიიღო ერთობ არაორდინარული გადანყვეტილებით: მან ისრაელელი ჯარისკაცების

მიერ მოკლული თავისი თერთმეტი წლის ვაჟის სხეულის ნაწილები იმ ბავშვებს შესწირა, ვისაც ეს ორგანოები სჭირდებოდა. ბიჭუნას გული გადაუნერგეს ებრაელ გოგონას, რომელსაც, რომ არა არაბი დონორის გმირული გადანყვეტილება, უსათუოდ სიკვდილი ელოდა.

აბუ საიდ აბოლ ხეირის ერთი მონაფეჰყვება: ერთხელ მოძღვარს (აბუ საიდს) მივაკითხე და ვუთხარი: სამოგზაუროდ წასვლა მწადია და თქვენ რას მიჩვენებთ ამაზე-მეთქი. მკითხა: ეგ რამ გადაგანყვეტინაო? ვუთხარი: როგორ გითხრათ, მდინარეც კი ერთ ადგილას რომ დადგეს, დაჭაობდება და დამყაყდება-მეთქი. გამიღიმა და მომიგო: ზღვა იყავ და დაჭაობება აღარ შეგაშინებს!

როგორი ალუფხულია ყველაფერი: ცნებები, გრძნობები, ღირებულებები, ჩემი კატა კი თათებით მეტლაუჭება მუხლებზე და უნდა, რომ მოვეფერო...

უცხოელებზე გათხოვილი ქართველი ქალების ფენომენი ცალკე შესასწავლია... რა ზემოდან იყურებიან და როგორ ყველაფერს გკადრებენ, თუ დასჭირდათ! გიკიჟინებენ რაღაცების დაცვას (ზრდილობის ნორმებისას, მაგალითად) და თვითონ არავითარ პასუხისმგებლობას არ გრძნობენ ადამიანის წინაშე! „მე თავს ვუშველე, მაგრამ შენ ნავაგი ხარ, იმიტომ, რომ ჩარჩი ამ ნავაგის და ახლა ყველაფერის უფლება მაქვს, მათ შორის შენი უბოდიშო გალანძღვისაც...“ — ფიქრობენ ისინი... რა თქმა უნდა, ეს სიტყვები ყველას არ ეხება, მაგრამ „ჩვენ საზოგადო ჭირზედა ვწერთ“... ამიტომ თუ ჩანანერში ვინმემ თავისი თავი ამოიცნო, „ჩემი ბრალი არ არის, ღმერთო!“

ბიჭს თუ ასწავლი, ასწავლი ერთ კაცს, გოგონას თუ ასწავლი, ასწავლი ერს (იბნ ბადისანი). რა მართალია! არადა, მე გოგონებს უარს ვუბნებოდი კერძო სწავლებებზე...

წყალდიდობის ამბებმა ძალიან შემაშფოთა. დაფურეკე ჩემს ბიძაშვილს, რომელიც სოფელში ცხოვრობს, რა ხდება, ჩვენთან ხომ მშვიდობაა-მეთქი. კი, კაცო! ჩვენა ღვთის უბეში ვართო! — დამამშვიდა. აი, ასე ლაპარაკობენ ჩემს სოფელში, თვით წყალდიდობის დროსაც კი...

რადიო „თავისუფლების“ გვერდზე ერთი მონაზვნის დღიურებს ვკითხულობდი. იქ ეწერა: ხვალ ოქონობააო. ოქონა პატარა სოფელი უნდა იყოს გორის რაიონში. ჩემი ბავშვობიდან ჩემი სოფელი და უპატრონო დედაბერი ამოტივტივდა — თხ-

ელიური. სიბერემ გონი დააკარგვინა. ამოილიავებდა ხოლმე ფუთას და მიდიოდა. რომ ჰკითხავდნენ, სად მიდიხარო, ოქონაშიო, — უპასუხებდა. სხვა ადგილი არასოდეს უთქვამს. ოქონაში მისი მშობლების, მისი ბავშვობის სახლი ყოფილიყო...

ჩემი მეზობელი მიხო სოფელში შემომჩივის: — მეე, ჯიგაროო, ვაჭრობაში ყისმათი არა მააქ! — და ეს „ყრმა ტკბილი და ტკბილქართული“ ვერ ხვდება, რომ წინადადებაში ექვსი სიტყვიდან სამს სპარსულს მეუბნება.

„სამოთხე გადაინაცვლებს ქოხში, თუკი იქ იმასთან ერთად იცხოვრებ, ვინც გიყვარს.“ (არაბული ანდაზა).

ახლა დავბრუნდი მარჯანიშვილის თეატრიდან. ვნახე თემურ ჩხეიძის ანტიგონე. გამაოგნებელი შთაბეჭდილებაა. დიდმა რეჟისორმა თეატრის რწმენა და სიყვარული დამიბრუნა. ბერძნული ტრაგედიის ბოლოს საბერძნეთში პუბლიკა თურმე ზოგჯერ ყვიროდა: ყველა, ყველა ყველა! — როცა ვერ გამოარჩევდნენ, ვინ იყო ყველაზე უკეთესი! ამ სპექტაკლის ბოლოსაც ასევე მინდოდა, მეყვირა: ყველა, ყველა, ყველა! და, რა თქმა უნდა, თემურ ჩხეიძე!

გამოვიდა ჩემი თარგმანი — საადი შირაზელის „გოლესთან“ — ურთულესი პოლიფონიური და მრავალმრეანო თხზულება. ობიექტურად თუ ვიმსჯელებთ, ქართულადაც, ალბათ, ყველაზე უკეთესი ჩემს თარგმანებს შორის. მაგრამ საერთოდ არ მახარებს ეს ამბავი, რადგან ისეთი შეუსაბამოა ეს ნამუშევარი ქვეყნის საერთო სიტუაციასა და აქ გამეფებულ უგემოვნობასთან...

ნათქვამს მაინცდამაინც ისე ნუ ჩამოშორდები, რომ თავში ამივარდა...

„რა ძნელია, იყო მწერალი ქვეყანაში, სადაც ხალხის უმრავლესობამ კითხვა არ იცის, უმცირესობას კი კითხვა არ უყვარს...“ (მარიო ვარგას ლიოსა).

ჩემი ერთი სპარსელი მეგობრის კედლიდან მომაქვს სტატუსი და ვაქართულზე: ხელები, რომლებიც ეხმარებიან, უფრო წმინდანი არიან ბავშვებზე, რომლებიც ლოცვას აღავლენენ (კიროს დიდი).

ალბათ უფრო ცუდია, ვიდრე კარგი, მაგრამ ბავშვობიდან გამოყოფილი თვისებაა, რომელსაც ვერაფერს ვუხერხებ. როცა ვინმეს ჩაგრავენ, იქ მტყუან-მართლის გარჩევა არ შემიძლია და ჩემი გული მუდამ დაჩაგრულის მხარეს არის...

ბოლო ოთხი წლის განმავლობაში, მგონი, დღეს პირველად ვუყურე რუსთავი ორის კურიერს, ზღვის განითლებაზე დაანონსებული ინფორმაციის გამო. ჩემს მტერს, მე იქ ქართული მოვისმინე. ჟურნალისტი სულ ინგლისური პრონონსით მოგვითხრობდა რაღაცას, რისი შინაარსიც სრულებით ვერ გამოვიტანე ცალკე მთხრობელის აბდაუბდა ლაპარაკისა და ცალკე მისი გაუგებარი ლინგვისტური მახვილების გამო. გულწრფელად მაინტერესებს, მართლა ასე უნდა მეტყველებდეს ჟურნალისტი, რომ თავისი საქმის „სუპერ-პროფესიონალიად“ ჩაითვალოს? მთელი საინფორმაციოს განმავლობაში კი რამდენჯერმე მომხვდა ფრაზა: „მე ძალიან ამაყი ვარ იმით, რომ“... ქართველი, როცა ამბობს, რომ ვინმე ამაყია, ეს მაინცდამაინც ამ უკანასკნელის დადებით თვისე-

ბაზე არ მეტყველებს, ხოლო ის, რისი თქმაც რესპონდენტებსა თუ მათ მთარგმნელებს სურდათ, ჩვენს ენაზე უბრალოდ იტყვის: „მეამაყება“... და ბოლოს: იმის შესახებ, რისი ხათრითაც ვუყურე კურირს, გადაცემაში კრინტიც არ დაუძრავთ...

ლილი ჰყვება ზღაპარს: „შემოდგომის მშვიდი დღე იდგა. თავგებს ჭირნახული ჩაელაგებინათ და მოცლილ ლელობურთი გაეჩაღებინათ“...

ვიმ, გენაცვა, რა „თვალადური ქართულია!“

მე მიყვარს ეგვიპტე — სწორედ ამ მიწაში შეიფარა დევნილი ჩვილი, ქალწული მარიამი და წმინდა იოსები. ჩვენ ყველას გვაქვს ჩვენი ეგვიპტე, რომელიც გვიფარებს მაშინ, როცა პეროდესავით გამხეცვლებს მოსაკლავად დავეძებთ ბავშვებს საკუთარ თავში... ბედნიერი ვარ: იმ ჭის წყალი დამიღვია ეგვიპტეში, საიდანაც წყალს იღებდა წმინდა ოჯახი და ალბათ სვამდა პატარა იესოც... იმ ხის ქვეშ ჩამომჯდარვარ, სადაც ლეგენდის მიხედვით ეგვიპტეში შემოსულმა წმინდა ოჯახმა პირველად შეისვენა... ამ ხის რამდენიმე ფოთოლი პატრიარქისათვის წამოვიღე თხუთმეტი წლის წინათ. არასოდეს დამავინწყდება, როგორი აღელვებული ეფერებოდა ამ ფოთლებს... ვიცი, პოეტებისაც ყველაზე უკეთ ისევ მას ესმის, ვიდრე იმ ხალხს, ვისთვისაც ფოთოლი მხოლოდ ფოთოლია და ლექსი ემპირიული მოვლენების უბრალო ქრონიკა... ნუ განურისხდები პოეტებს... ისინი ბავშვებს იფარავენ თავიანთ თავში — ეგვიპტესავით წინააღმდეგობრივი და მრავალფეროვანი...

ვილოცავთ შობას და სიხარულს გისურვებთ! ქრისტე არის განკაცებული სიხარული!

ახლა ვარ ძალიან გახარებული. ამ რამდენიმე წლის წინ „ლიტერატურულ გაზეთში“ დავბეჭდე ლექსები. საინსტრუქციო იყო, ჭკუათმყოფელი კაცი არ გამოაქვეყნებდა. სახელებითა და გვარებით ლექსების პერსონაჟები ცოცხალი პოეტები იყვნენ და ზოგს შეიძლება, სწყენოდა კიდევ რამე, იმის მიუხედავად, რომ თვითონ ჩემგან ყველას მიმართ ძალიან დიდი სიყვარული იღვრებოდა; ამიტომაც, ლექსების დაბეჭდიდან კარგა ხანს ზარებს ტელეფონზე აღარ ვპასუხობდი. ჰოდა, დღეს მირეკავს შოთა იათაშვილი, შობა მომილოცა და მითხრა: ახლა ერთ კარგ ადამიანს უნდა დაგალაპარაკო და ლია სტურუას გადასცა მობილური. გიორგი, როგორ მომიწონა შენი ლექსები, გირეკავდი, რომ მომელოცა და მადლობა მეთქვაო! — მითხრა ამ სიკეთით და სიყვარულით სავსე ადამიანმა და ადამიანობის, საკუთარ თავზე ამალღების, ლექსში მთავარის დანახვისა და წვრილმანის უგულვებლყოფის დიდი მაგალითი მომცა. მე მიყვარს ლია სტურუა — დიდი პოეტი და დიდი ადამიანი!

ჩვენს სოფელში ერთი გამრჯე კაცი ცხოვრობდა. მთელი თავისი დღე და მოსწრება ცხვრის ფარას დაჰყვებოდა მწყემსად, ამ თავის ფარაზე იყო გადაგებული და საკუთარი თავისათვის არაფერი ემეტებოდა. მეტი არც არაფერი აღელვებდა თავის გარშემო. სოფლის ერთმა ახალგაზრდამ ერთხელ ლექსი გამოუთქვა, ჩვეულებრივი, სახუმარო ლექსი იყო, არც თუ ისე კრიტიკული, მაგრამ ამ კაცმა ეს ამბავი ძალიან განიცადა. საერთოდ, ბუნებით ძალიან ჩუმი და სიტყვაძვირი, გამოვიდოდა ხოლმე სოფლის ბირჟაზე, ჩამოჯდებოდა თავისთვის, უსმენდა სხვებს და შიგადაშიგ ამოიგმინებდა: „ლექსი, ლექსი! ლექსმა დამლუპა!“

ამ კაცის გარდაცვალებიდან დიდი ხანი გავიდა, მაგრამ ეს ამბავი არ დამვიწყებია, მეტიც, სულ უფრო ხშირად მაგონდება ხოლმე და მწარედ მეცინება. ეგებ, ჩემი ცხოვრების თავისებური რეფრენია და იმ-იტომ?

დღეს ბაზარში: აი, ის ბებო რო დადიოდა და თავის კრებულს ყიდდა, ხო დანახე?

ჰო..

ვიყიდე, ქალო! რა გველექსება ახლა ჩვენა, მაგრამ ყველას თავისი გაჭირვება აქვს...

დღეს ლილი იყო საახალწლო ნაძვის ხეზე. ორი ბილეთი გვაჩუქეს და ამიტომაც ლუკაც (იძულებით) მოხვდა სპექტაკლზე „კუზიანი კვიცი“, გრიბოედოვის თეატრში. კი იჯუჯულუნა შესვლისას, რა კუზიანი კვიცი, რა კუზიანი კვიციო! — მაგრამ ხათრი ვეღარ გამიტეხა და როგორც გაზის კამერაში, ისე შეჰყვა პატარა დას საახალწლო ზეიმზე. შინ დაბრუნებულები შთაბეჭდილებებს მიზიარებენ: ლილი: მამა, შეიძლება მერე რუსული მასწავლო? სპექტაკლი კი კარგი იყო, მაგრამ არ მესმოდა, რას ამბობდნენ! ლუკას გაეძახი: აი, შეხედე, როგორია ლილი — როგორც კი გაგება მოინდომა, მაშინვე რუსულის სწავლის სურვილიც გაუჩნდა. ლუკა ამბობს: კაი, ახლა, „კუზიანი კვიცი“ რუსულის სასწავლოდ ნამდვილად ვერ განმანყობს!

ნართანიანი მრავლობითის სახელობითი რომ დაგვეკარგა, ბუნებრივია და დიდი ხნის წინათ მოხდა, მაგრამ ირიბ ბრუნვებს მაინც ინარჩუნებდა თუნდაც ცოცხალი სამეტყველო ენა და ორგანიზაციათა ოფიციალური დასახელება-წარწერები: ვთქვათ „დედათა და ბავშვთა ოთახი“. ახლა გადაშლი თარგმნის ნიგნს და აღარსად არის სტილისტიკის ელემენტარული შეგრძნება, მაგალითად, ნაიკითხავ ასეთ ფრაზას: „ფანჯრების ფარდების მოსართავების ბოლოების კიდები!“ ხანდახან მაინც შეუნაცვლეთ „ეზიან“ მრავლობითის ნართანიანი, თქვე მამაცხოვნილებო! რა უბედურებაა ეს! ამაოება ამაოთა.

რაც გინდათ, ის თქვით და, გაბრიელ გარსია მაინც მამაძალღურად ჩამორევია! მოყვალა იცის მაგ ოხერმა. მერე რა, რომ თარგმანი არ ვარგა და თვალებს ისე იმტვრევ ზედ, როგორც შიშველ ფეხებს რიყიანში...

დღეს ჩემი შვილის მასწავლებელმა საყვედურივით მითხრა: „რაზეც გინდა ველაპარაკებოდე, სულ ღიმილი აფენია სახეზეო“. მერე ამაში ცუდი რა არის, კეთილგანწყობილია და გიღიმი-მეთქი, ვუთხარი. კი, მაგრამ ხომ არსებობს სერიოზული თემებიცო! — მითხრა. კი, მაგრამ ასაკი აქვს ისეთი, რა საჭიროა, ჭმუნვა ჰქონდეს ალბეჭდილი სახეზე-მეთქი. შემომხედა და აშკარად მიხვდები, რომ „ჭმუნვაზე“ გაჭედა.

დღეს ლიტერატურის ინსტიტუტში ძალიან კარგი კონფერენცია ჩატარდა, რომელიც ოთარ ჩხეიძეს ეძღვნებოდა. ბატონი ოთარი იყო ჩემთვის ერთ-ერთი ყველაზე ძვირფასი ადამიანი. როგორი მწერალია, ამის შეფასება კიდევ სამომავლო საქმეა! მე გამზარდა ამ მწერალმა, მისმა არაჩვეულებრივმა რომანებმა და მოთხრობებმა, მისი ესეების კრებული „რკალი“ კი იმდენჯერ მაქვს ნაკითხული, სულ ფურცლებში მოცრეცილია. მე ასეთი ფურცლებში მოცრეცილი ნიგნების ვალი მაქვს!

რა საშინელებაა, როცა ადამიანს სჭირს ვერბალური ფალარათი!

ძალიან დიდი საქმე გაკეთდა: გერმანიაში, ლუდვიგსბურგის გამოცემლობა „პოპფერლაგმა“ გამოსცა ქართული პოეზიის ანთოლოგიის ვებერთელა ტომი, რომელიც შეადგინა თვითნებურად შესანიშ-



ნავმა გერმანელმა პოეტმა გერტ რობერტ გრუნეტმა (ნინო პოპიაშვილთან თანამშრომლობით). 576-გვერდიან ნიგნში შესულია ქართული პოეზიის ნიმუშები ძველი, ახალი და უახლესი ქართული ლიტერატურიდან. დაბეჭდილია 50 ცოცხალი ავტორის ლექსები და მათ შესახებ დანვრისებრი ბიოგრაფიული ცნობები. ნიგნს ახლავს CD, სადაც ჩანერილია ქართველი პოეტების მიერ ნაკითხული მათივე ლექსები (ქართულად). განსაკუთრებით მახარებს, რომ ანთოლოგიაში შესულია ჩემი ლექსებიც, მათ შორის, „არაბულის მასწავლებელი“. ანთოლოგიაზე რამდენიმე მთარგმნელი მუშაობდა, ჩემი ლექსები კი თარგმნა ქალბატონმა შტეფი იუნგერ-ხოტივარმა, რისთვისაც მას განსაკუთრებულ მადლობას მოვახსენებ. გერტის ამავსე კი, გადაუჭარბებლად შეიძლება ითქვას, თანამედროვე ქართული მწერლობა ვერაფრით გადაიხდის!

გოგებაშვილის გენიალურ პაღინდრომს — „აი ია“ — ვერ გადასწონის ასი ათასი პოეტური მიგნება!

პროექტი — „მამა, ნიგნი წამიკითხე“ — მონაწილეობისათვის გადმომცეს მაისური, რომელსაც ახატია ჩემი კარიკატურა და ანერია „SUPER DAD“. ლილი, ამ დღეებში, რაც სურათი და წარწერა გულდასმით შეისწავლა, გამიღის, გამომივლის და დაიძახებს: „სუპერმამა, ცაში!“ დღეს, ეტყობა, დაღლილი ვიყავი, და შემოვწყვირი: რა არის, რაღეს ამბობ, გინდა, მამიკო ცაში წავიდეს-მეთქი. ლილი დაიბნა და გოცე-ბული შემომაცქერდა. აქ საქმეში ლუკა ჩაერია და „ღირსეულად ამიხსნა“ რა გენყინა? ტელევიზორში მულტფილმია — „სუპეროჯახი“. ჰოდა, იმათ ჰყავთ მამა, რომელსაც, როცა დაუძახებენ „სუპერმამა“ — ცაში!“ — დაფრინავს ხოლმე და ახლა ლილი გამომნებს, შენც შეგიძლია ფრენა თუ არაო!

მე რომ მდიდარი ვიყო, ყველაზე მეტ ფულს დავხარჯავდი განათლების სისტემის მონესრიგებაში, ყველაზე დიდ დაფინანსებას მიცემდი უნივერსიტეტებსა და უძველეს ქართულ უნივერსიტეტს, ეს იქნებოდა არა ჩემი აშენებული, არამედ სიყვარულით განახლებული ტაძარი... მაგრამ მე მდიდარი არა ვარ, ნუ შემფოთდებით...

მე ხომ მჭირს ხოლმე რაღაც ახირებები. ჰოდა, ერთ-ერთი ახირება იყო ერთი ძალიან კარგი პოეტი, რომელსაც რატომღაც სულ ვიცავდი და გვერდში ვედექი, როგორც შემძლო (არადა, რა სჭირდა ჩემი დასაცავი, ისეთი ალესილი ბრჭყალები ჰქონდა!). ჰოდა, ერთხელაც ამ პოეტის ლექსები გამოვაქვეყნეთ ჟურნალში „ჩვენი მწერლობა“. ამ ჟურნალში იყო ასეთი (ჩემი აზრით) კარგი ტრადიცია, განყოფილების რედაქტორი გამოქვეყნებულ მასალას ურთავდა მინანქრს, სადაც მოკლედ, შეიძლება ზოგჯერ ტრაფარეტულადაც, გადმოსცემდა თავის შთაბეჭდილებებს გამოქვეყნებულ მასალაზე. ჰოდა, დავურთე ამ პოეტის ლექსებს მინანქრი, სადაც დავწერე საბედისწერო ფრაზა:

„როცა ერთმანეთს ვაფასებთ, ტეზრის ორლობებიდან არ უნდა ვლაღადებდეთ“. ეს გამოთქმა დედაჩემისგან მახსოვდა, როცა რაღაც ამბავს მიგუტანდი, ვიდაცაზე აუგს, მეტყობა: თავიდან მომცილდი, ტეზრის ორლობებიდან ნუ მეღალადებო. ტეზერი ჩვენს სოფელთან ახლოს არის, მეორე სოფელი. უფრო სწორად, ჩემს დედულეთთან უფრო ახლოსაა და ეტყობა, დედაჩემსაც ეს ფრაზა იქიდან გამოჰყოლოდა.

ჰოდა, აი, იმ პუბლიკაციის მერე დინყო, რაც დინყო:

იზას დაურეკავს რედაქციაში და სულ კუდით ქვა უსროლინებია ყველასათვის: მაგ ლობჟანიძეს სადაც დავიჭერ, იქა ვცემ, მაგან არ იცის, რომ ტეზერი ჩემი სოფელია და საერთოდ, ეს სოფელი მე შემოვიტანე ქართულ პოეზიაში?! ალბათ მე მგულისხმობდა ზუსტად, ეს ფრაზა რომ დანერა, რადგან მაგ პოეტს მე დიდად არ ვწყალობ და ეს იცოდა! და თქვენ კიდევ ჩემს ლექსებს რომ გამოგიგზავნით, ლობჟანიძეს არ დაანერინოთ მინანქრი, ეგ სოფელურად ნერს და ჩემზე მაკა ჯოხაძემ დანეროსო!

მოკლედ, ცუდად არის შენი საქმეო, როსტომმა მითხრა: ანი, თივის ზვინს ერადე, გიორგიო! ერთხელაც, ვავიხედოთ და, მოვიდა იზა რედაქციაში. შენობიდან ორი კიბე ეშვებოდა, ჩვენ მეორე სართულზე ვისხედით. მოკლედ, ერთი კიბიდან რომ იზა ამოვიდა, მეორე კიბიდან მე ჩამაპარეს ქვემოთ...

ცოტა აზრზე რომ მოვედი, ვიფიქრე, რაც არის, არის, სულ ასე კუკუდამალობანას ხომ არ ვითამაშებთ, ავალ და გამოვეცხადებ-მეთქი. ავედი, შევავლე კარი და ვითომ იმ წამის მისული ვიყავი, გამარჯობა, ქალბატონო იზა-მეთქი! პირგამეხებულ ნამოიჭრა, ნამოინია, ვითომ დასარტყმელად, მომიახლოვდა და... მომეხვია! შე ცუდო ბიჭო, ასე ნიჭიერი მაინც არ იყო! — მითხრა და გადამეკონცა!

აი, ასეთი იყო იზა!
და მე ის ძალიან, ძალიან მიყვარდა!

დღეს დამირეკეს ერთი ტელევიზიიდან კომენტარისათვის და ჟურნალისტს ვუთხარი: დიდი ბოდიში, მაგრამ აი, ისეთ დღეში ვარ, ძალიან ვნანობ, რომ ეს სპეციალობა ავირჩიე, ეგ ენა ვისწავლე და საერთოდ ამ ქვეყნად გავჩნდი-მეთქი. მართლა, რა კომენტარი უნდა გასცე, რაზე უნდა მოიქაზო ენა, როცა უდანაშაულო ადამიანები ეწირებიან ვიდაცის ხუმბურებს, ამბიციებს, უვიციობას (თუნდაც საკუთარი რელიგიის არასწორ გაგებასა და ინტერპრეტაციებს)? სიბრყველზე ერთადერთი კომენტარი არსებობს: დუმილი. დანაშაულზე ერთადერთი კომენტარი — სასჯელი!

მთელი დღე ვეღარ ვიტანდი ვერც ერთ არაბს. საღამოს მოვიდა ჩემი ერაყელი მოსწავლე, არაჩვეულებრივი ბიჭი. გაკვეთილად გვეკონდა ჯიბრან ხალილ ჯიბრანის „შლეგი იოანე“, ნამდვილი შედეგები იმაზე, თუ რა უბედურებას ატრიალებს რელიგიის „პრივატიზება“, რომელიმე პირვილეგიურული ჯგუფის მიერ სარწმუნოების საკუთარი ინტერესებისამებრ ინტერპრეტირება. ნავიკითხეთ ეს მოთხრობა და მე ვიგრძენი, რომ ჩემი ერაყელი მოსწავლე ისევ მიყვარდა, რომელიც, სხვათა შორის, თავისი ქვეყნიდან იმავე პრობლემებს გამოიქცა, რასაც ჯიბრანის მოთხრობაში ვკითხულობდით...




ნანა გასვიანი

ქარს ამოჰქონდა ჭალიდან მარში —
ცაცხვის კვირტების მკუთავი სიცხე.
შორს, ჰორიზონტზე, კვლავ იდგა ბავშვი,
შეხორცებული წვიმიან სივრცეს.
ვფიქრობდით მე და ურწყული სიყრმე
(ძირს გათელილი ეგდო წერილი).
გარეთ კი წვიმდა და წვიმა იყო
ჩვეულებრივი და მონყენილი.

დაბრუნება

მოგიტან ლოცვებს ლიბოჩაშლილ ეკლესიათა,
მწუხრის ქარების შეტირებას,
მოგივალ, ვინძლო,
შემომახვედრე მოლოდინის სველი ტინები,
ყონაღის უბე,
კვაზარების ჭუტი სიათა,
ანწლის სურნელით გაჩხიბული ორღობე ვინრო.
ალიონებად ამოშლი ღიმილს —
გარს კოცონები შემოირკინო,
იხუვლებ ისევ.
კი, ძველებურად დაგიმშვენდება
შქერის ყვავილით მორცხვი ღილიკილო,
დაგასევ ნისლებს.
წამეკიდება ღვთისმშობლის მზერა
მდურვის აპრილად,
დავდგები ლოცვად.
სურო და ფთირი მოედება შენს ჟრუნ ნაპირებს,
მივდგები როცა...

ძლივს გაგისხენე და დაბურული
ხსოვნის ცა ნელა გადაისარკა.
თურმე ერევა გონებას რული
თურმე ძველდება ტრფიალის საგაც.
იყო შუადღე და ქვაფენილზე
წვიმა იმტვრევდა უტიფარ მუხლებს
და აკვირვებდა უცხო ფერილი
ასე თავსხმას და ასე ხელუხლებს.
კი, ჭირვეულობს ზოგჯერ გონება,
განზე დგება და ბალღივით ანცობს,
იმ დღეს ვიჯექი და ვისხენებდი
შენს სახელს, უწინ ძვირფასს და ნაცნობს.



ქარი თავს კარებს ახლის.
ჩიტი წივის დაბუა.
თეოზე თვლემს ძალი.
თითქმის რიბირაბოა.
ქობში — ბზე. ნამჯა. შვრიაც.
ქობზე — ჯანღების ნავლი.
შლეგი — ქიტონთა შრიალს
მალე გაუვა ყავლი.
ფუჰ, ძაღლყურძენას ისხამს
ჟამი ფლიდი და შმორი.
აქემენიდთა რისხვას
გადავრჩენილვარ შორით.
ასწლეულების ტევრი.
სისხლი რამდენი აშრა.
ურუქის პეშვის მტვერიც
გამომყოლია მაშვრალს.
ამბობ: ქალდეველ ქალწულს
დარდმა დარია ხელი
და სატრფოს ხელით დანწულ
შროშანთა გვირგვინს ელის.
იყო შეპყრობა ტაშით.
მიმოდიოდნენ ბნედით:
ხელთათმნიანი პაჟი
და დედოფალი პლედით.

საზაპი ისევ კვითავდენ საზაპს

მე მოვკვდებოდი, მეგონა ასე,
და მორჩილებით სიკვდილს ვუცდიდი.
ქათინაურით მიხსნიდა თასმებს
უჟმური წლები ეს სუციდი.
და მე შენდობით ვიყავი სავსე,
სულში არყოფნის ვხატავდი სურათს,
ცაში ხაზები კვეთავდნენ ხაზებს,
ან იქნებ, ასე მოჩანდნენ სულაც.
იბელტებოდა დღეების ტევრი,
იკალებოდა ცოდვების გუდა,
ფორთოხლის ბაღში იდგა ნათელი,
სად მჭახე მზეებს ვუცდიდი მუდამ.
მე მას ვუცდიდი, უნდოს და მედინს,
შიგნით ლოდინი ლოდივით ინვა.
მაინც რალაცის მქონდა იმედი,
მაინც სხეულით დამქონდა მიწა.
წლები გარბოდნენ ქვა-ღორღით სავსე,
მე ამ გარბენის ვხატავდი სურათს.
ხაზები ისევ კვეთავდნენ ხაზებს,
ან იქნებ, ასე მოჩანდნენ სულაც.

საუპუნის მიწაწარის ლაქსი

სილუეტები გასხლულია ჩაის ვარდების
და შთაგონების წალკოტები ოქრონაყარი.
ნეონის ნისლში სიზმრისა და კვამლის ლანდები
მოსახლეობენ, მომნივიან ქვიშის მაყრები.
გააელამებს შებინდება ცვილის ჯიხურებს,

ციცნათელების აანთებს კვარებს,
ატონალური ულონობით გაიჯახუნებ
როს საუკუნის აფუტკუნულ კარებს.
გალამბულია ქრიშობისთვის ღამის სახელო,
თოშში ძაღლივით კართან გდებულის.
უფალმა იცის, მერამდენედ არქმევენ სახელს
ვინაც ვერ არის დაბადებული.
ჩამოხვევა წვირიანი საცვალი ზეცას,
ტალახიანი ზმუის გზა-შარა,
აგერ იმ გლეხმა, კურდღლის რუხი ჯუბა რომ ეცვა,
დაგვიფარავსო ჯვარი ღაშარის.
ვაი, რალა დროს, ზენაარო, წყალობა შენი,
მარგალიტების ხვედრის ზიარი,
როცა დუმილით გადაკვნიტილ ღამეებს შვენის
ნასათუთები ძვლების ზრიალი.
ამოივაკებს ნახევარი მთვარე მუხებთან,
ის შინაბერა, კაპასი, ავი.
ნაურჩოქია საუკუნეს შენს თეთრ მუხლებთან
და უდღეური კნუტივით კნავის.
გასისხლულია სარეცელი ჩაის ვარდების.

მთვარის ორგიულ ფრთონას,
კვირიკობისთვის, პირველს,
(გისრულებ დანაპირებს)
სიზმრიდან ვატან თრთოლვას.
ზენა სიშორით მავალს,
ოლენდრების მფენი
გზით გაენდობი, მრავალს
აუმძრახდება ფერი.
წვიმით აუვა ილორს
მწკლარტე სურნელი ფითრის,
ნაშემოდგომარ, იოლ
მზეებს ჩინურად ვითვლი.
ვეძებ ფრანსუაზს სოფლად,
„სალამი, სევდავ“, ძველო,
ჟღალ მთებს ლაჯებში ქორფა
გაურჩავს სამლოცველო.
სისხლის მჭმუნვარე ქარვა,
ჯადოპალმების თქემი,
ხევ-ხევ, ბანი-ბან პარვა
მყვირალობების თვეში.
მზის ორგიული ფრთონა,
თოვლის ფართხუნა წერო,
ყომრალი ბედისწერა:
სამოთხეების თმობა.

იმ დღეს დუმილით ამაოდ დავშვრი.
წვიმდა. ან იქნებ სულაც არ წვიმდა.
თვალსანიერზე მოჩანდა ბავშვი —
ბავშვი მოჩანდა თეთრი და წმინდა.
ცას მოღამების წადილი ჰკლავდა.
ან იქნებ, მოდგა სისხამი სულაც.
მზე მოგორავდა, მთოვარეს ჰგავდა,
სახლშიც მთოვარის ღანდი მისულა.

ძლივს გაგისხენე და დაფერილი
ურთოლვა ამოჰყვა ტკივილს ხელუხლებს.
იყო შუადღე და ქვაფენილზე
წვიმა იტეხდა სისხლისფერ მუხლებს.

ამოჰყოლოდა ქალაქის ჭორი
სოფლად მოვარდნილ ცნობათა ნამქერს.
სალამოს შუბლზე ეყარა ჭორფლი,
სალამო იყო მშვიდი და ქერა.
შუკას ეფარა ქლიავის ჩრდილი,
ჩრდილქვეშ ღუოდა სურო-ფათალო,
— ნახდა ქვეყანა!.. — დოდონა ჩივის,
წუხს თალიკო და ოხრავს ფაფალა...
სალამოსპირი გურგურით მტრედის
თავის გასალევს მშვიდობით გალევს;
სოფლის ქალები მოგონილ მტრობით
ამათრახებენ ქალაქის ქალებს.
ქარსვე გაჰყვება ქალაქის ჭორი,
როგორც კალოზე დაყრილი ქერი;
სალამოს მკლავზეც ეყარა ჭორფლი,
სალამო იყო მშვიდი და ქერა.

ცისა და მიწისა

მზის შვილი იყო. მიწად მოვარდნილს
სტკიოდა ფესვი და ტანმძიმე თებერვალები.
სხვენზე ეყარა არაბულას რკინის ნალები.
დუნაის პირას ძონისფერი ყვავადა ვარდი.
ელინურ მხრებზე სამეუფო იგი ბისონი
მედიდურობდა (გვაცილებდა შორით ქედანი),
გადავიარეთ როს მდუმარედ ჩვენ მამისონი —
შუადღე დაფრთხა ყორნიანი და დაგვექაღნა.
წარმავალობის ნოსტალგია კვლავინდებურობს.
სვეტიცხოველში ვესწრებოდით ჩვენ პარაკლისებს,
სადაც ქალწულებს რიდეები ნისლის ებურათ.
მთვარით გადახსნულ ღამეებში მომისაკლისებთ
თქვენ, ვისაც ასე მედიდური გხატავთ პორფირი
და გრიგალებთან გატოქება წვივმარდ ჰუნეთა,
ხრწნადობის ჟინით დადაღული ღაზის პროფილი
მისტერიაა აბოლებულ საუკუნეთა.



ლიალქტიკა

*ედღენება ვიიონს ვიიონისებურად,
ცოტაც — ხაიამისებურად, ცოტაც — თავისებურად*

ვისაც რა ჰქონდა ასალები, ყველამ აიღო,
ზოგმა ხელფასი, ზოგმაც ვალი, ზოგმა კი ხელი
ამ ცხოვრებაზე და მე მესმის ძალიან კარგად
და შეიძლება ითქვას, მესმის საუკეთესოდ,
რომ გინდაც გეკლას, გინდაც გემტროს,
გინდაც გეთესოს
სიკეთები, საბოლოოდ, იდიოტები
დგანან კუთხეში ბომბებით და ეშაფოტებით
და განაჩენსაც (რა უნდა ქნა!) ისევე ეგენი
გამოგვიტანენ, და თუ გონზე არ მოვეგებით,
შესაძლო არი, ჩამოგვართვან წერის უნარიც —
ნადიდგორალი, ნაიბიცარ-ნალაგუნარი.

აიღე ხელი თავზე, ანუ აიღე ხელი
ამ ცხოვრებაზეც და იმაზეც, რომელიც გელის
სიკვდილის შემდეგ, ესე იგი სიცოცხლის შემდეგ,
სიცოცხლის შემდეგ, ესე იგი რალაცის შემდეგ,
რასაც სიცოცხლეს ვერც დაარქმევ, მაგრამ დიალე-
ქტიკის უცვლელი კანონები სწორედ ასეთად
წარმოგვიდგენენ და ამასვე ამბობს გაზეთიც
ზეპარტიული, სადაც გვამი რეზოთერული
ლათაიებით ისუფთავებს სახეს გაზეთილს.

ზოგი პოეტი ცად ავიდა, აშპა, ამაღლდა,
ღვთიფშისვენა, რომ იტყვიან, ანუ ჩაძაღლდა.
ამას ევტერპე ჰყავდა მუზად თუ „ცენტრ-პოინტი?!“ —
გამეფიქრება, რომ ჩავივლი ერთის სრა-სახლთან.
ასეა, ზოგჯერ მართლაც კარგა ხმელი ზურგი აქვთ,
მათ, ვისაც თავზე ხშირად გადაიმასუქნიათ.
თუმცა, პოეტებს რას გაუგებ, დროა საკუთარ
თავზე ვიფიქრო და მოვასწრო წერა მანამდე,
სანამ სიკვდილი ბოლო ნამებს გამომძალავდეს.

როცა მოვეკვდები, იმედი მაქვს, კი მიტირებენ,
თუმც, ამ ეტაპზე მხოლოდ ტირილს იმიტირებენ.
ჩემს სადღეგრძელოს ისე გულით გაიხლებიან,
იმდენს იზამენ, ბოლოს მეც კი ამატირებენ.

აქა ვწევარ და სხვანაირად არ ძალმიძს, ღმერთო,
უკვე არც მახსოვს, შენთან როგორ ვიურთიერთო.
რა საჭიროა ეს ამდენი პიეტეტები,
იქნებ დაგვინდო ეს ურწმუნო პოეტეტები
და გვითხრა შენი დაფარული გულისნადები,
ჩვენთან სუყველა საიდუმლო შეგენახება...

ჰა და ჰა, ლექსში უსირცხვილოდ გამოვაჭენოთ,
მაგრამ, მერწმუნე, მაგათ მაინც არვინ კითხულობს.

ტრუისტული საზაპიროები

- 1. შეუძლებელია ორ ადგილას ერთდროულად არ ვიყო.
- 2. ჩემი არყოფნა ლიმიტირებულია.
- ყოველთვის სადმე ვარ. მაშინაც როცა სადმე არ ვარ.

- 3. თუ დავეშვებით რომ სადმე არ ვარ მაშინ ყველგან ყოფნა მომიწევს
- ანუ ღმერთი ვარ
- თუ ღმერთი ვარ რატომ შიმშილობს საქართველოში 300 ათასი ბავშვი

(წლევანდელი სტატისტიკით)
ან რატომ ვერ მივდივარ რიოში დასასვენებლად
(ეს სტატისტიკა მუდმივია)
ან რატომ იხოცებიან პეპლები ერთ ღამეში
და რატომ არ იხოცებიან ფარისევლები ერთ ღამეში
გადაწყვეტილია არა ვარ ღმერთი
წერტილი

- 4. ვინმედ ყოფნა ნიშნავს სადმე ყოფნას
სადმე ყოფნა ნიშნავს ვინმესთან ყოფნას
კარგ შემთხვევაში — შეყვარებულთან
ცუდ შემთხვევაში — პრემიერმინისტრთან ლანჩზე.
4 ა). ჩემი არსებობა სივრცითია
მე ვარ მუდმივად სივრცის რომელიღაც
უხერხულ წერტილში განთავსებული
და ჩემი ფეხები ეწევა ჩემივე ორგანიზმის
მარადიულ დისტრიბუციას სახლიდან სამსახურში
და პირიქითაც.
ჩემი ყოფნა ლიმიტირებულია.
ისევე, როგორც ჩემი არყოფნა.
ამაზე ზემოთაც ვისაუბრეთ.
გვეყოს.

- 5. ყოფნა ქართულად ნიშნავს, რომ უნდა იყო და იმასაც,
რომ უნდა გვეყოს.
არსებობა უნდა ვიმყოფინოთ — ესაა მორალი.
მაგრამ არ მყოფნის.

მე პოეტი ვარ, მაშასადამე ყოფნით
გაუმძაღარი გომბიო ვარ.

- 5 ა). პოეტი — რას გულისხმობს ეს ცარიელი განაცხადი,
მე ისიც კი არ ვიცი, როგორი უნდა იყოს პოეტი.
პერიოდულად ადამიანად ყოფნას ვთამაშობ
და სულ ესაა.

- 6. პოეტი უნდა იყოს სექსუალური.
რა არის უფრო სექსუალური, ვიდრე ლექსი?
კაი ნაშა! — მპასუხობს რეზო
რომლილაც ფილმის გავლენით.

- ვერ შეედავები.
- 7. მეუბნებიან, რომ რადიკალური ავტორი ვარ,
რომ ლექსის კეთილხმოვანებას ვანგრევ.
მე ხელის ელევანტური მოძრაობით ვუთითებ
თუ, სახელდობრ, სად უნდა შეიტენონ
თავიანთი კეთილხმოვანი ლექსები.

- 8. როცა ვწერ, ასეთ დროს უფრო მეტი ვხდები
ვიდრე მხოლოდ მოლექსულების ფაფა,
ვიდრე ცილებისა და ცხიმების შემთხვევითი კოქტილი.
შესაძლოა ეს იყოს პოეზია,
შესაძლოა ეს იყოს პოეზიის
დასაწყისი.
ან დასასრული, არც ამას გამოვრიცხავ.

დასაწყისი №160-161

1.

იმ ღამით კი უნდა ჩამოფრენილიყო გლოჩესტერის ჰერცოგი, შაითანბაზრის ყველაზე გულუხვი სტუმარი.

ნათან დედალოსი ჯერაც დაულაგებულ კაბინეტში იჯდა და ალუბლის ჩაის სვამდა.

იქვე, სავარძელში ჩასძინებოდა ამაზას ჯორილელის. მისი მკვრივი სხეული თითქოს ყუთივით ჩაედგათ ქვაბლიანურ ბალიშებში.

დედალოსი ვერ უძლებდა ჯორილელისას. უჭირდა მასთან ერთად ყოფნა. ეტყოდა ხოლმე რახილს, ბაზრის მოედნის კაცია, მაგრამ ერთგულიყო. ჯორილელისა მებღადე ყოფილიყო რახილის მამასთან, სახელაანთ ბაღებში, ნაცნობობაც იქედან გაებათ. მართლაც ძალიან ერთგული კაცი იყო და გვერდიდან არ სცილდებოდა დედალოსს. ამან კი მაინც ვერ შეიყვარა და იმეგობრა. საერთოდაც ფრთხილი იყო სიყვარულში და გულლიად და თანასწორად ყოფნა არ გამოსდებოდა.

ნათანმა უკვე იცოდა, პავლინონ მზიურის მოედანზე ატეხილი ჩხუბის ამბავი. ისიც მოესხენებინათ, რომ იქ ილია აბულასანი მისულიყო და ბუნდოვანი აზრები გამოეთქვა.

დედალოსი ერიდებოდა აბულასანს. დიდად არც ის უყვარდა, მაგრამ მისგან მრავალი სიკეთე ახსოვდა, რომელთა მეტკობობასაც ვერ ახერხებდა. უბრალოდ, ხვდებოდა, რომ აბულასანის გარეშე არ შეიძლებოდა. გვინდა-არგვინდა, უნდა იყოსო, უხსნიდა რახილს, აბულასანი იმას ნიშნავს, რასაც ჩვენ წარმოვადგენთო.

დედალოსს არ მოსწონდა ამ მოუწყობელი კაბინეტის კედელზე მიყუდებული, სირიუს ამირბარის სახელდახელოდ ნანერი პორტრეტი.

არც თავად ამირბარი მოსწონდა და არც მისი რესპუბლიკა. მას ეზიზღებოდა ქვაბლიანის სასახლიდან მოთრეული მაგიდა, რომელსაც უჯდა და ასევე, სძაგდა გულის გამანვრილებელი უცხოელები. მეცხრე საათი სრულდებოდა.

ნაშუალამევს ჰერცოგის დასახვედრად უნდა წასულიყო.

დედალოსს არასოდეს ენახა გლოჩესტერის ჰერცოგი, თუმცა ბარე თხუთმეტ წელიწადს სწერდა წერილებს და რამდენჯერმე პასუხიც კი მიეღო, გამაგრდითო. გაუმართავი შაითანბაზრული ანბანით შედგენილ ამ მოკლე ბარათებს, რაღა თქმა უნდა, გამომტეხელთაგან ნაკითხულსა და შესწავლილს, ასურასტანი გადასცემდა ხოლმე.

ხერა-ლოთის ერთადერთი ფოტოგრაფია დედალოსისთვის ეჩვენებინა მასთან ახალ ციხეში სტუმრად მისულ პოლკოვნიკ ასურასტანს: ევროპულად მოსილ ახალგაზრდა კაცს ხელოსნური ქუდი ჩამოეფხატა და ხელოსანთა შორის მდგომს რაღაც უხაროდა.

ეს ფოტოგრაფია უკვე ამოეძრო თავისი უძირო სკივრიდან ძებნა-გამოტეხვის მთავარ არქივარისის სულ ურბანელს და ნათანს ჰერცოგისთვის მისართმევ მთავარ სახალისო სუვენირად უჩანდა, თუმცა კი თვითონ არ მოსწონდა: მეცნიერ კაცს ხელოსნებში რა უნდოდა, კვლევა შაირსიტყვიტობას კი არა, სულიერებას უფრო მოუხდებოდაო.

და მაინც, დედალოსს არ უყვარდა უცნობი ჰერცოგი. გარდაცვალებულთა გამოლაპარაკი და განსჯა უფრო იოლიაო, იტყოდა ხოლმე.

კი, მათემატიკის თანასწორ იტაცებდა სიყრმიდანვე ძველ საფლავთა კვლევა, გადარეცხილ წარწერათა ამოცოცხლება და წრფელი, დარდით ამღვრეული ფიქრი წარსულს ძალმოსილი იდუმალეების თაობაზე.

აბა, ვის არ სმენოდა თქმულება ხომლელ რაინდთა საგანძურის შესახებ. და განა ეს თქმულება იყო მხოლოდ?

ასთურთმეტ ხომლელ რაინდს განეზრწყინებინა ვარდ-ბულბულიანი და მერე, ამ მინის დატოვებისას დაეფლო საუნჯე სადღაც აქ, იდუმალ მთებში, ვითარცა იმედი აქაურობის მომავალი გაბრწყინებისა. განა ქვაბლიანს არა სტანჯავდა ხომლელ რაინდთა საგანძურის ამბავი? ბევრს ეხსომება, როგორ გაირეკავდნენ ხოლმე პატიმრებს იმ მიუვალ ვარ-ასფაურის ქვაბებში და იქ ორმოებს ათხრევიანდნენ. სულ უშედეგოდ, ხომლელ რაინდთა ზეციური სულელები ხომ არ გაუღიმებდნენ

ამ თახსირებს და ხომ არ უბოძებდნენ დიადი მინის გასაღებს?

არა, ეგრე არ იქნებოდა. არ გამოვიდოდა.

ჯორილელისა სავარძელში შეიშმუშნა. — გაიღვიძე, ადექი, — შეუძახა დედალოსმა მძინარეს.

მეთაური თვალდახუჭული წამოვარდა, თუმცა მსწრაფლ მოეგო გონს და ცოტათი ნაწყენმა იკითხა:

— რა ამბავია?
— რაღა რა ამბავია? დასახვედრად არ უნდა წავიდეთ?

ჯორილელისამ ერთი დაამთქნარა და ისევე სავარძელში ჩაეშვა.

— მანქანები გვჭირდება. ასე ცხენით როდემდე ვიჭენაო?

— გააკეთებენ მაგ მანქანებს. ოთხია სულ და ბიჭებს გაუფუჭებიათ განგებ, რომ ესენი არ გაქცეულიყვნენ.

— ვიცი, ჩვენ გავაფუჭეთ... დედალოსი უცებ გაჯავრდა.

— გაუფუჭებია იოლია. სარდალი ხარ. სალმანასარ არევემანელი თუ დაქროდა

აკა მორჩილაძე

ნანერები ვარდის და გულგულისა სუმბუქი საგაზეთო სერიალი

მესამე სერია — ჯანიანის, კანონიერი და კარგად შენახული ნივთები



რამით მეთაე საუკუნეში, შენც უნდა შეიძლო...

— მანქანა ჩქარია... — ნაიბურტყუნა ჯორილელისამ.

— ადე, ადე... — წამოდგა დედალოსი. — მართლა ლოთი იყო ეგა? ეგ თავადიშვილი თუ ვინც არი?

ანვაროს უთქვამს უცხოელებისთვის. დედალოსი მოიღრუბლა.

— რას შეუჩნდით ამ პატიოსან კაცს? — იკითხა მწარედ, — გვეხმარება. ვუყვარვართ. შეჭამეთ და ესაა. აღარ გამოიხედავს ჩვენსკენ და მიყურე მერე მე. თქვენ მაინც გაჩუმდით, კაცო...

— ყველა მაგას აგინებს, — თქვა ჯორილელისამ, — ესაო, ისაო...

— ეგ ჩვენი წესია, ღირსეულთა გინება. აი, მეც ხომ მაგინებენ. აბულასანს კი არ აგინებენ, იმიტომ, რომ მოთაფლული ლაპარაკი იცის. სიმართლეს გარშემო შემოუყვლის ხოლმე...

— დღეს ბიჭები შემეშინა. სულ ვტიროდითო, მაგან რო ხმა ამოილოო...

აბულასანი კი შინ იყო. მას სწევოდა ერთი ნაბულალტრალი კაცი, რომელსაც პარიზიდან სიმამრის ნემსის ჩამოსვენება გადაეწყვიტა. სიმართლე ითქვას და სიმამრს სიმამრი არც ეთქმოდა, პირველი ცოლის მამა გახლდათ. მისი სახელი შაითანბაზარში ჩურჩულით თუ წარმოითქმეოდა და ისიც სანდო ხალხში, არველოდი ალავერდი ხომ ქვაბლიანის რეჟიმის განთქმული მტერი იყო.

ქმთ დროს, ნაბულალტრალი ცოლსაც ამ სიმამრის გამო გაჰყროდა და საჯაროდაც დაეგმო მის სისხლთან იძულებითი კავშირი. ახლა კი სახელმწიფო ხარჯს ითხოვდა მის გადმოსასვენებლად, ნამეტანი

უსახელოდ წოლილა იქო.

— ძალიან დიდი კაცი იყო, — ურცხვად იმეორებდა ნაბულალტრალი.

— ხარჯია საქმე, — თავს უქნევდა მოქანცული აბულასანი.

— ჯერ მარტო ნანერები გამოვა თორმეტი ტომი. ყველა იყიდის, ძალიან ჭკვიანი კაცი იყო. ურედაქტორე და შენ გამოეცი. მე, იცი ალბათ, არ ვუყვარდი... მარა სხვანაირი გული მაქვს. გაეხარდე-ბოდა, ამ ამბავს რომ მოსწრებოდა.

— რა ამბავს? — უაზროდ ჰკითხა აბულასანმა.

— ამას, ასე რომ დაბრუნდებოდა და მუხლზე დაუდგებოდა თავისი ქვეყანა. ჯიბოს უდგამენ ძეგლს და ჯიბო კუნწული ვინ იყო მაგასთან...

დენიელ ფოუ კი ვინრო დერეფანში მიყრდნობოდა კედელს და ყარა ისმაილის ბნელ თავდაღმართს გადასცქეროდა.

იცოდა, როგორც უნდა წამოეწყო საუბარი ნატუსალარ მოხუცთან:

— აქ ჟურნალისტად ჩამოვედი, მაგრამ ცოტა სხვანაირი ურთიერთობებიც მაინ-

წერი ბრძანება იყო და ველარაფერი გაგანყვეო.

ამალია კი მოიყვანეს. ერთხანს ნოტიო დერეფნებში ატარეს.

ლამე იყო. ვილაც ახმახს შემოეგლიჯა მათი ბინის ის სიფრიფანა კარი და ჩაცმაც არ ეცლია, ღამის პერანგზე შალმოსხმული შეეგდო დახურულ ეკიპაჟში. ამ სამ წელიწადში სულ ორჯერ შეეხვედრებინათ და თან ისე, რომ ხეირიანად დალაპარაკებაც ვერ მოესწროთ. ამ პაემნით კი თითქოს თვით ასურასტანი იხდიდა ბოდიშს. რის ბოდიშს, ყველაფერი დაეთვალა, ხელახლა დაქერილს ამშვიდებდა.

— ილუშა-მილუშა, ილუშა მელექსე, — ტაში შემოჰკრა ქალმა, — მე მეგონა, დამიჭირეს.

აბულასანი გამხდარიყო, ამალიას კი მოსუქება უფრო ეტყობოდა. სახუმარო რა არის? წლები ეპარებოდნენ უკნიდან. მხიარულ ჯაჯგურში ხის საწოლი ჩატყდა და ორივენი ცივ იატაკზე აღმოჩნდნენ. აბულასანმა ხეირიანად რომ ამოისუნთქა, თითქოს ყველაფერი დამთავრებული იყო.

— სულ დაგავინცდა შენგებური რამეები, — ჩაიხიხითხათა ამალიამ.

პოეტმა აკოცა.

— ლაპარაკიც დაგავინცდა, — გადაიკისკისა ქალმა და ყურზე უკბინა.

— წვერს არ გპარსავენ? უყურე შენ... პატიმარი მაგიდაზე მიყრილ თამბაქოს გადაწვდა და გახვევა დაიწყო.

— გიჟივით გამომათრის, პაპიროსის მეტი რა მაქვს, — შენუხდა ამალია.

— ეგ არაფერი, — თითქოს სასამართლოზე იდგა, ისე უპასუხა აბულასანმა.

— სულ დაგავინცდა, ამალუშკა-მამალუშკა... ვითომ ის ვიყო, იუსუფას ცოლი. რაებს მიგონებდი? ამალუშკა-მამალუშკა, ფორთოხლის ბალის პატრონი.

ერთხანს ჩუმად იყვნენ.

— ისე, მაგ წვერებზე სულ დასდევენ, შამაიას ბიჭიც დაიჭირეს, გაუზომეს წვერები. ჯობია, აქ იჯდე.

— მეც დამიჭირეს, დღეს, — უპასუხა აბულასანმა, — სახლში მოვიდოდი.

ამალიამ გაიღიმა და ატირდა. სეტყვით ნაცემი ჩიტვივით. აბულასანმა ხელი მოხვია, პაპიროსი უხრჩოლავდა თითებში.

ქალის ცახცახი მასაც გადაეფო. იატაკზე ისხდნენ და თრთოდნენ.

— სულ წვიმები იყო, — სლუკუნებდა ქალი, — მთელი გაზაფხული წვიმები იყო. ისე დალბა ყველაფერი, ვერ ვსუნთქავდი. რატომ არ გამოგიშვებენ?

— არ მიშვებენ.

— რატომ? მე არ წავალ, აქ ვიქნები შენთან.

— კარგი, ჰო, — კაცსაც მოადგა ცრემლი. ფრთხილად შეუშვა ხელი ქალს და წამოდგა.

— ის ვირიშვილი მომივარდა, ხოტორა. რამდენჯერ დაუღევია ჩვენს ოთახში. მიპირებდა, ილუშა კაცად აღარ ივარგებსო. ჯობი დავარტყი თავში და ასე მითხრა, რო გამოგეკეტავ, მერე ამიპლაკავ ფეხებსო, მარა მაგას არ დაგაჯერებო...

აბულასანს თითქოს არ გაუგონია.

— მართლა შემეშინდა, რო გამომკეტოს, მერე...

— არა, — თქვა პატიმარმა, — არა... გამოაგზავნიდნენ. თავისით არ მოვიდოდა. ისე გითხრა. დაავალეს, რო მერე ჩემთვის მოგეყოლა...

— რაებს მოიგონებენ... ლექსებს აღარ ნერ? — ჩაეკითხა უცებ.

პოეტმა ხელი ჩაიკნია.

— ნეტა არ ვწერდე და დავეხვრიტე იმ დღეს, მაგათი ყველას... ახალ მზეს თუ იღებს ვინმე ისმაილზე?

— რას?

— გაზეთია ეგეთი...

— გაზეთს ამირინდო იღებს, მაგრამ მთლად გამოშტერდა. ქვეშ იფსამს, ხე-ხეხე...

— რო მოგენატრები, გამოართვი და რაღაცები წაიკითხე, ჩემი დანერილი იქნება ნახევარი.

ამალიამ ტაში შემოჰკრა.

— რა მაგარი ხარ, ილუშა-მელექსე. აბულასანმა თავი ჩაქინდრა.

— ნეტა მოგეკვებოდე...

— ლექსებს განერინებენ?

— ყველაფერს.

— ადრე რო არ მეუბნებოდი?

— რა ვიცი.

ამალიამ თითი ამოისვია ცრემლმომშრალ თვალში და მოწყენით ჰკითხა:

— ახლა რა ვქნათ?

ახლა ორნი ვართ. მარტოობა შუაზე გავყოთ, გავხლიჩოთ ფესვში, გავამრავლოთ, გავაძლიეროთ, როგორც შვილმკვდარი დედის ლოცვები. დავიყვლიფოთ მუხლისთავეები იატაკზე ჩამოფერფლილ სიტყვის ძებნაში. ენებით ვლოკოთ, ნერწყვგამმრალით, თვალის გუგები. ძილის წინ პირში დავიგუბოთ თოთო ტყუილი და სისხამ დილით გადავყლაპოთ, როგორც სიზმარი. ფიქრების ნვენში ვხარშოთ მთელი დღე, რომ ვახშმისთვის ახალ კერძად ამოვარწყიოთ: მორიგი „ერთად“, „ა la ბედი“, ან სიყვარული, გამხმარ ჩირივით სამმაგ ძაფზე ფრთხილად ასხმული.

რამდენი

რამდენი ცხოვრება დავინყე და აღარ დავამთავრე. რამდენ ქალაქში. რამდენ ვინმესთან. რამდენი შვილი არ გავაჩინე და დახეული, ტალახიანი ბათინკებით გადავსერე საავადმყოფოს პრიალა და თეთრი იატაკი. რამდენი ღამე დავრჩი ქუჩაში, ვილაცის სახლში და ჩემი ბინის უკარებო 17 ოთახში. ფრჩხილით, მაკრატლით, ბლაგვი დანით და სამართებლით. ნემსის წვერით და ყავისფერით. ხან ისევ თეთრით. და გამხდარ მხრებზე სისხლის ჭორფლებით რამდენჯერ მოვკვდი. ახლა ფეხაკრეფით დავდივარ მინაზე და იმავ მხრებზე „აჩიკუდათი“ მოკიდებული ძლივსგაჩენილი შვილი მომყავს. ხშირ-ხშირად ვიღებ ფოსოებიდან დამტვერილ თვალებს, დავნმენდ ლევისის დაძენილ ჯინსზე, რომ დავინყება არ ვისწავლო: რამდენ ქალაქში, ქვეყანაში, რამდენ ვინმესთან არ დავამთავრე ჩემი ცხოვრება და უკეთესად დავინახო, რამდენ საფლავს ცხედრის გარეშე აწერია ჩემი სახელი.

ვიცი, დღეიდან მომაკედლებ შენს შიშველ ფიქრებს, ისეთ გულწრფელებს, თითქოს ჯერ ევას არ ეჭამოს ადამის ვაშლი. დაშლა-არმოშლის იმედებით მოვქსოვთ ერთმანეთს. ღამით გუშინდელ ემოციებს შევუნთებთ ბუხარს და შეციებულ მუხლისთავეებს მოვახვევთ ლექსებს, როგორც ჭრელ სითბოს. ავარიდებთ ერთმანეთს თვალებს, დავითვლით კედელს მიჭედებულ ლურსმანთა ტკივილს. მოვყვებით ამბებს, ისეთ მართალს, როგორც ზღაპარი, ბების მიერ ჩანაყული ყურში მარცვლებად. როდესმე ალბათ ნივთებს ახლიდან დავარქმევთ სახელს, შევუცვლით ფორმას. როდესმე ალბათ სხვა სიმშვიდით და მრისხანებით დავანგრევთ კედლებს, მოვიზრდით ფრთებს და გავფრინდებით ჟივილ-ხივილით... მაგრამ დღეს ვიცი, ჯერ ბუხარი უნდა დავანთოთ. დასაწვავია წინა ზამთრის შეშის მარაგი.

სხვები

მე ვითვლი შენს სხვებთან შეხებას, ნაწყვეტ სუნთქვებს, ლექსის ნაგლეჯებს. ვითვლი ნაბიჯებს, ვზომავ მანძილს, ვისერავ ხელებს. და გტოვებ ჩემში ხვალ დილაამდე ძველ სიზმარივით. ნაბახუსევეზე ავიტკივებ მძიმე თავივით სხვისთვის სურვილით გაყოლებულ საჩემო მზეურებს. და ისევ ვზომავ სხვის სიღრმეში ჩატოვებულ თითებს, ასოებს. ვისხენებ ჩემში შემონთხეულ ნაცრისფერ ფერებს, რომ უფრო მეტად არ ავიჭრა გუშინ ღამიდან ოთახის სითბოს შეტოვებულ ჭიქა რძესავით. გავდივარ გარეთ და ბენზინის ჭრელ გუბებში ვეძებ შენს რითმებს სხვებზე აწყობილს. სხვა ბავშვში ანნავ შენ გენეტიკას და ჩვენი შვილი ისევ ვილაცას, შენმზერაიან ეძახის მამას. სახლი, რომელშიც სხვასთან ვცხოვრობ როგორც სტუმარი, არ ტოვებს სხვისი ფანჯრებიდან შემოსულ ხმაურს. და დილის საშუმ სიჩუმეში,



იუნონა გურული

და დილის რიტმულ ტანის რხევაში ისევ ნამღერებით ვითვლი შენს სხვებს. ჩემს სხვებს. მე ვითვლი: ჩვენ.

შენ გინდა ჩემთან, -თვის, -სკენ, -ში. ხუჭავ. ივიწყებ. ალბოპ. არღვევ. ისევ ივიწყებ. არ მინერ ლექსებს. არ მნერ სიტყვებს. არ ამბობ მთავარს. კეცავ ჯიბეში, გულ-, სისხლ-, ძილში ჩემს ნაფლეთებს ნაწყვეტ-ნაწყვეტ მეტასტაზებად. მე გაზიანებ, გრყენი, გეძახი, გტოვებ ჩემში, -თან, -ზე, (სხვის) -კენ.

გულგრილად მანნავ დღეს სახეში, თმაში — სიბერეს, ტყუილს — სიტყვებში. თუ მნიფე ატმის გადანახლეჩი საშო გიმღერებს დახმულ სივრცეში, სიმღერებს შორის გადავანყო ძველი წყნები გამხდარ წიგნებთან. დავიმახსოვროთ: სიჩუმე გვანყოფს: სველი ენებით ღმერთის მიგნება. დავყაროთ თესლი და მანანა ცხელ უდაბნოში და მშიერ პირში დავთესოთ ლექსის ანა-ბანა ძველი კალოშით სანოლის ძირში. ამოვა სოკო. ხე. ტბა. ბუჩქი მზე და სიმშვიდე. ვინლა იტირებს. ვინლა მოვა წრის დასარტყმელად. ჰოდა ამიტომ დავლიოთ ღამე — მწარე აბი. მერე ფასკუნჯით პირველ სხივებში ვიჯირითოთ ღია სარკმელთან.

ყუთიაბი

ეზოში სათამაშოდ ჩაშვებულ ბავშვობას კორპუსის ნაცრისფერ ფანჯრებში გაჩრილები მკაცრი თვალებით დავყურებთ ზემოდან. ვიგონებთ საქმეებს.

ყურებს ვიგლისავთ ვარდისფერ პლასტიკინებით, პლასტმასის ყუთში ვინყოთ დღის ულუფას: მჭლე ღომილს, თანთალა ბოლმას, ბოლოს ხახვივით ალყა-ალყა ზემოდან ვაყრით ენის სიმწარეს. ვსხდებით ბორბლებიან რკინის ყუთში, ერთმანეთში ვზელთ ოფლის, შიშის და დაღლის სუნებს, მძლოლის ასტრას და ქალაქურ ჰანგებს ინდაურის ყუტყუტით ვყლაპავთ. ანაბეჭდს ვტოვებთ თოკებიანი ყუთის ნითელ ძუძუზე, რომ უფრო მალე დავიკავოთ მოზრდილ ყუთში ჩვენი ადგილი და სალამომდე საქმიანი სახით დავკავდეთ ყუთების გამოღებით, ამოლაგებით, ჩალაგებით, გადალაგებით, დახურვით, ჩართვით, გახსნით, შენახვით, ისევ გამორთვით. მერე თოკებით, ძუძუებით, უფლით, ოფლით, ბორბლებით მივალნიოთ ნაცნობ ყუთამდე. და ლოგინის ცივ ფეხებს შორის გახვეულებს გაგვახსენდეს ეზოში სათამაშოდ ჩაშვებული ბავშვობა და რა თქმა უნდა დავიკიდოთ. დავიკიდოთ. დავიკიდოთ. და ერთადერთი რისიც გვეშინოდეს — ბოლო, თოკებიანი ხის ყუთში მოხვედრა იყოს გულზე მლოცველივით სასოებით დალაგებული ხელებით. ამინ!

დამავინყდა სად გქონდა იარა სახეზე, რომელიც მიყვარდა. ჯერ კიდევ მახსოვს შენი სუნი, ჯერ ვერ ვეღვევი პარკში გამოკრულ ნაცვამ მაისურს. სამაგიეროდ დამავინყდა რატომ მიყვარდი. მახსოვს როგორ- -ც ხელზე დარჩენილი თეთრი ხაზები. მახსოვს შენი ირისის ყავისფერი, რბილი შრეები. დამავინყდა ჩემი თავი შენამდე. გზა შენამდე. დრო შენამდე. მახსოვს სიკვდილი. მკაცრი. ბასრი. გამჭვირვალე. როგორც აკანკალებულ ხელში ჩაბლუჯული შუშის ნატეხი. დამავინყდა ნათქვამი სიტყვების სიმწარე. სიბრმე. სიშიშველე. მახსოვს საკუთარი თავის პირველიც, მეორეც, მესამეც. მახსოვს შენი ზურგის ფართო სიმშვიდე, როგორც მამა გულზე დაკრეფილი თეთრი ხელებით.

ლექსო ძლიერი ვარ. აბა, რა მინდოდა გაბელიასთან... რას მიყვებოდი. სიმთვრალის ბრალია ყველაფერი. შუქი უნთიანო — დამანახა. მართლა ენთო გაბელიასთან მეშვიდეზე შუქი. რამე ექნება და დავამატოთ. არადა, ღამის სამი საათი იყო. მაინც ავედი. გაბელიაც ქლიავია. არ ვიცი, რა ვარიანტი ჰქონდა: ან გათხლეშის ეძინა და შუქი დარჩა, ან ვინმე ისეთი ყავდა და დაგვიკიდა. კაი ხანს ვრეკეთ და ვაკაკუნეთ. თითო ბოთლი არაყი კი გვექონდა ჩადგმული. იმიტომ ვიყავით ასე თამამები და მოურიდებლები, თორემ ან ღამის სამ საათზე გაბელიასთან ამხელელის, ჩემდა თავად... მერე მობილურზე ვურეკეთ — გათიშული ჰქონდა. მაინც ყველაფერი კარგად დამთავრდებოდა, რომ არა ქლიავი გაბელიას ქლიავისფერი კორპუსის ულფიტობა. შეიძსართულიანს რომ ლიფტი არ ექნება, კორპუსია ის? გაბელიამ რომ არ გაგვიღო, დავეშვით უკან. მარტო ზოგიერთ ბაქანზე ინთებოდა შუქი. ნელა ჩავდიოდით. მე თან გვარებს ვკითხულობდი ბინების კარებზე. სადღაც მეოთხე სართული იქნებოდა, ერთ-ერთ კარზე ფანცხვა რომ წავიკითხე და უცებ ისეთი „აფნცხვი“ ვქენი, რომ ჩემი ყოვლად მოფაშფალებული კბილის პროთეზი პირიდან გადმოიფრინდა და კიბის მოაჯირებს შორის გაუჩინარდა.

ლექსომ ვერაფერი დაინახა. მე კიდევ ვდგავარ უკვე მართლა ქლიავით და პირზე ხელი მაქვს აფარებული. — გავეკარი გაბელიას, ჩემი დედის ძვლებს გეფიცები... პორნოებს უყურებს ალბათ და გაუტყდა ამდგარს გაღება... — უსვამს გაბელიას დიანგოზს ლექსო, — ნავეით ჩემკენ. ზაირას ბუტკას გავაღებინებ... — კვილევი! — ვთქვი მე უკბილო პირით და ლექსოს მივეტრიალდი. ის ჩემი უკბილო ღრძილების დანახვაზე კინალამ აყირავდა. — რა უყავი? — მიმოიხედა ირგვლივ. — კივევს სოლის ცავადდა... — ვთქვი მე თლიფინით და ორ მოაჯირს შორის ჩავიხედე.

კბილები ბავშვობიდან არ მაქვს. უფრო სწორად, არც არასდროს მქონია. ეგეთი გაეჩნდი. ისე, რა სისულელეს ვამბობ. კბილებიანი, აბა, ვინ იბადება... უბრალოდ, კბილების ამოსვლის დრო რომ დადგა, ისინი ჯიუტად არ ამოვიდნენ. თავიდან ჩემები ერთმანეთს ოპტიმისტურად ანუ გეშვებდნენ — ბიჭებს გვიან ამოსდითო... მაგრამ გვიან რომელია: ამ ლოდინში მე ბალშიც შემოვიყვანეს, ოცამდე დათვლაც ვისწავლე და ადამიანების თავდაყირა ხატვაც, კბილები კი მაინც არ ჩანდნენ. რა უნდა ექნათ ჩემებს? პრინციპში, რაც შეეძლოთ, ქნეს: ჯერ გაუძლეს, მერე დაიძახნენ, და ბოლოს, ოთხი წლის ასაკშიც რომ არ დაამადგა საშველი (მოფაშფალებული ხურმის სველა მინევა ღამის ყოველდღე), ხელი დამავლეს და თეთრ პოლიკლინიკაში გამაქანეს.

— კუბოში ჩაგდებ მე შენ! ცოცხლად! — მახსოვს, როგორ უკიოდა მანქანაში დედაჩემი მამაჩემს, — გეყოლებოდა წინაპრებში ვინმე ჭირიანი... მაგიტომაც ვართ ამ დღეში!

— შექმევი ერთი!.. ვინ წინაპრები... რა ჭირი...

— ძალიან კარგად იცი, ვინც... ცოლად რომ მოგყავდი, უპირველეს ყოვლისა ეგ ამბავი უნდა გაგხსენებოდა და თავი შეგეკავებინა!

— რისგან, ქალო? რეებს ბოდილობ? — ჩემგან! რისგან! ასეთი შვილის ღირსი ვიყავი მე?! შენს გამო არ აქვს ბავშვს არცერთი კბილი ბებიაშენივით. თქვენ დაგმარებთ ერთად!.. შენ და ბებიაშენს გგულისხმობთ!

ადგილობრივმა ექიმებმა ვერაფერი გამიგეს.

— კალცის ასეთი ნაკლებობა? ეგეთი არაფერი შემხვედრია პრაქტიკაში... — თეთრ წვერზე ისვამდა ხელს ბაბუანვერასავით სტომატოლოგი, — ჩურჩხელას როგორ ჭამს, კი მაგრამ?

— ხორცის გასატარებელ მაშინკაში ვუტარებთ! — უპასუხა დედაჩემმა ცივად. „ანომალია“ ეკერა ყველას პირზე.

— ანომალია ბებიათქვენია! — თქვა ბოლოს მამაჩემმა და ამჯერად სპეციალ-

ურ კლინიკაში წამიყვანა. იქ ამ დარგის გურუებმაც ყურადღებით შეისწავლეს ჩემი უკბილო ღრძილები, ისეთი მხრიდანაც კი გამაშუქეს, ახლაც ვერ ვხვდები, კბილებთან რა კავშირი ჰქონდა, და მაინც, მხრების ჩეჩვის მეტი ვერაფერი დადეს.

საბოლოოდ, მამაჩემმა ნაცნობ კბილის ტექნიკოსებს ჩემს ღრძილებში პატარა ჭანჭიკები ჩაამონტაჟებინა, რაზეც კბილის მთლიანი პროთეზი მაგრდებოდა, და ამით ჩემს მარად-ღიმილიან მომავალს სამუდამო საფუძველი დაუდო. ერთი კი იყო, პროთეზი ზრდასრული ადამიანის კბილებით იყო განწყობილი.

— ბავშვის ორგანიზმი ზრდადია, ავთანდილოვიჩ! — თქვა მთავარმა ტექნიკოსმა, — პროტეზი მედიუმია სტანდარტული. დაენევა ერთი მეორეს! ანუ კბილი კბილად რჩება. მუდმივია! ბავშვი კიდე დაგვიკაცდებდა, როცა იქნება... — ჩემი კიჭუნია-ბიჭუნა! — ამ სიტყვებით დამხვდა დედაჩემი სახლში დაბრუნებისას.

— გინდა კაკალი დაგიტეხო, დე? — ვიკითხე მე და ახალჩასმული კბილები ერთმანეთზე სამჯერ დავანკაპუნე.

ბესო ხვედელიძე

სხვისი კბილები



სულ მისხალ-მისხალ გადავქექეთ ყველა საფეხური და ბაქანი მე და ლექსომ. პროთეზი არსად ჩანდა. პირველამდე ჩავედით. უფრო ქვემოთ საერთო სარდაფი იყო. იქ კი ჩადიოდა კიბე, მაგრამ მერე გალიასავით რკინის კარი დაგვხვდა, ზედ დიდი ბოქლომით. ზემოთ არაფერი ჩანდა, ანუ წესით, აქ უნდა ჩავარდნილიყო, მაგრამ ამ კარს ასე შიშველი ხელებით ვერაფერს ვუზამდით.

— ღამის ოთხია, შეჩემა... — თქვა ლექსომ, — ნავედით, ჩემი დედის ძვლებს გეფიცები!

— ალა... — ვთქვი მე, — ასე ალსად აღცამოვალ...

— აბა იჯექი აქ! — თქვა ლექსომ, — დილაამდე მაინც არაფერი იქნება...

— მოვალე ვიქნევა გაველია... პადვლის გასაღები ექნევა...

— გაბელიას გამზრდელიც... რო არ მოვიდეს?

— სქვას ექნევა...

— ვის მივადგეთ? ან რო მივადგეთ, რა ვუთხრათ?

— ცემი კვილევი...

— რა კბილები, ჩემი დედის ძვლებს გეფიცები...

არადა, ზუსტად ვიცოდი — რო ავეყოლოდი და წავყოლოდი, კიდევ ჩავისხამდი ლექსოსთან. ჩემი კბილები კიდევ, სავარაუდოდ, საერთოდ არ გაგვახსენდებოდა, ისე მივიძინებდით სალამოდ. მერე ისევ ჩავიდგამდით რამეს და აქამდე მოღწევის შანსის შანსი აღარ იქნებოდა უახლოეს დღეებში. თან, ყველაფერთან ერთად, ლექსო ბოლოში ცხოვრობდა — ზღვასთან. ამიტომაც გავაფიჩინე ფეხები.

ლექსო საფეხურზე ჩამოჯდა და სიგარეტს მოუკიდა.

— მოვა გაველია, — ჩამოვჯექი მეც.

— ტელეფონი როგორ აქვს გამორთული მაგ სირთოზს, ჩემი დედის ძვლებს გეფიცები... იქნებ მაინც სახლშია ეგ ჩემისა... აბა, სინათლე რა პონჩი ანთია?

პირველად პროთეზი პირველი კოცნაობისას მომძვრა და ჩემ პირველ შეყვარებულს კინალამ გადაეყლაპა. იხრჩობოდა. ძლივს ამოვაცალე შიშველი ხელებით სადღაც გლანდებთან გაჩხერილი ჩემი კბილები. იმან არაფერი იცოდა ჩემი

პროფილაქტიკის მიზნით. ის უფასოდ შემამონმებდა, ისევ დამიჭერდა კარგად და მეც უკვე არაფერი მიჭირდა რალაც ხანი.

მერე ის დანტისტი ემიგრაციაში წავიდა და პროთეზის გამაგრების უფასო წერტიც დაიკეტა. სხვებმა იხველა თანხა მომთხოვეს, მაგ თანხით ექვსი თვე გავიტანდი თავს, თან არც მქონდა ამდენი ხელზე ერთად. ამიტომ, ჯერ ერთხელ დავიკიდე პროთეზი. მერე მეორედ. კი ვგრძნობდი, როგორ ირყეოდა ნელ-ნელა, მაგრამ არც ფული ჩანდა და არც ისეთი კბილის ოსტატი, უფასოდ რომ გამინევა დახმარებას. ამის შემდეგ, თვეში ერთხელ მაინც რალაც შარში მხვედნენ ჩემი კბილები, უფრო სწორად, ეს ტოტალური უკბილობა და ჩემი პროთეზი.

ავბრუნდით გაბელიასთან და თავიდან ვრეკეთ-ვაკაკუნეთ, მაგრამ ისევ არაფერი ხეირი.

— რა ვუყოთ? — შემომხედა ლექსომ.

მე მხრები ავიჩერე.

— ღამის ოთხზე ვის მიეუკაკუნოთ? ვინ ვართ? რა ვუთხრათ? პატრულს გამოუცხადებენ, ჩემი დედის ძვლებს გეფიცები... — კიბეზე ჩასვლისას უკმაყოფილოდ ბურტყუნებდა ლექსო, როდესაც ერთ-ერთი ბინის ოდნავ შეღებული კარი დავინახე. გავჩერდი და ლექსოც გააჩერე.

— თუ რამე, მე ვბაზრობ... შენ ხმა არ ამოილო! — გამაფრთხილა ლექსომ მცირე ყოყმანის შემდეგ და კარზე ფრთხილად მიაკაკუნა.

შესასვლელში სინათლე ენთო და არავინ ჩანდა.

— უკაცლავათ! — დავიძახე მე და მაშინვე მკაცრი მუჯღუგუნის მივიღე ლექსოსგან ფერდში. ლექსო პირველი შევიდა ბინაში ფეხაკრეფით. მეც ჩრდილივით მივეყვი.

ლექსომ მარჯვნივ გაუხვია და უცებ ორივენი ცარიელ სასტუმრო ოთახში აღმოვჩნდით. ოთახის ცენტრში კუბო იდგა და შიგნით კორპუსისფერი მიცვალებული ქალბატონი ესვენა.

გავხვედით და სანამ რამეს მოვიფიქრებდით, ჩვენს ხმაურზე ფიცხლად გამოლაგდნენ ლოჯიდან ჭირისუფლები ქოთქოთით.

თავსაფრიალი ქალები მწყობრად დამწკრივდნენ კედელთან მდგარ სკამებზე და ერთდროულად აიცრემლეს თვალი. მათ ორი მამაკაციც გამოჰყვავთ შავ კოსტუმებში და ზემგლოვიარე სახეებით: ერთი ჩვენხელა და ერთიც — უფროსი. აშკარად ეტყობოდათ, რომ მამა-შვილი იყვნენ. სავარაუდოდ, მამაკაცებიდან უფროსს მიცვალებული ცოლად ერგებოდა, უმცროსს კიდევ დედად. ეგრეც იყო. ალბათ უფრო მექანიკურად, ჩვენ რიტუალური წრე დავარტყით კუბოს და გასასვლელში მდგომ მამაკაცებს რიგრიგობით ჩამოვართვით ხელი.

— გვიან ჩამოვიდა ავტობუსი? — ჩურჩულით ჩავვეკითხა უმცროსი.

— რა დაგემართათ? არ მითხრათ, პაკრიშკამ დაგვიშვა გზაში... თქვენ რომელი ხავთასები ხართ? იაშას ბიჭები?

— იცით, ჩვენ... — დაიწყო ახსნა ლექსომ და წამით გაჩერდა, რაც საკმარისი აღმოჩნდა, რომ მეც ჩავრთულიყავი ჩემი ჩლიფინით.

— ალა. აქ სემ ზმაკასან ვიკავით. ალიკო საქი. კვლევით მომძვლა მე და პადვალსი ცავადა...

მამა-შვილი ჩემი ამ ტირადის გაგონებაზე შესამჩნევად დაიძაბა, თუმცა შეეტყვოთ, რომ კარგად ვერაფერი გაიგეს. ლექსომ შვილს ხელკავი გაუყარა და განზე გავიდნენ. მე მამის წინ მარტომდარტო აღმოვჩნდი თუ არა, ჩემი სიმართლის დასამტკიცებლად ზედა ტუჩი ავინიე და ჯერ უკბილებო ღრძილები დავანახე, მერე კი ალკოჰოლის მასიური ოხმივარც მივასუნთქე უფროსი ჭირისუფალს. ამასობაში გვერდიდან ხმები მომესმა, მივიხედე და ეგრევე გამაცვივა:

ლექსოს და მიცვალებულის ვაჟს ერთმანეთზე შუბლები ედოთ და ძარღვები დაბერვოდათ კისრებზე.

— ვის ეკაიფებით, ბიჯო, თქვენ? — აძაგრული იყო ჭირისუფალი.

— კვილევი მომძვლა, სემი ზმა... აველ ნაქე... — ახლა მის დასანახავად ავინიე ზედ ტუჩი, — გასაღები გვიდა!

გაგრძელება

ამალიას კი კვლავ ეძინა, ტუჩებს ამოძრავებდა ძლიერსმესამჩნევად. ძილში ლაპარაკი მისი კიდევ ერთი გემრიელი ხელობა იყო.

აბულასანი იატაკზე იჯდა და ფიქრობდა: როგორ გავიქცე?

3.

პავლინონ მზიურის მოედანზე კი გარეუბრევე შეკრებილიყო მოხალისე უროსმცემელთა გუნდი. წინა დამითვე გახმინებულიყო მოწოდება, ვისაც კი ურო მოგეძევათ, არ დაიზაროთ, ადრიან საათს გამოდით და ყველამ ერთად დავამხოთ ხორასანა გედამბარელის ძეგლი, ამ ვითარებაში სრულიად შემარცხვენილი კეთილშობილი ადგილისაო.

უროსმცემლები იდგნენ, ხელსაწყოები კვარცხლბეკთან მიეწყობდა და ქანდაკებას ასცქეროდნენ. უმრავლეს ამათგანს არ ენახა გედამბარელის ფალავნობანი, მისი კოკობი უღვაში და ფართე მხარ-მკლავი. უყურებდნენ ხორასანას და ფიქრობდნენ, ემანდ რამე ფარსავი არ გამოიღოს ამოტოლა კაცის დანგრევამ, რა ვიცით, ხალხნი ვართო.

და მერე მოვიდა გვარდიელთა პოლკოვნიკი ამირგული ამინი. მან, ბებერი მჭედლის ვაჟმა, საუკეთესო ურო მოიტანა და შეკრებილთ შეუძახა:

— თითონ ხორასანას არ მოწონდა ეს ძეგლი, მაგის სახელს დავედო სუფრად... აბა, დავცხოთ, ბიჭებო!

კვარცხლბეკის შერყევას შუადღემდე ხელებდაკაპინებული მუშაობა დასჭირდა. მოედანი მოსერიერებით აივსო. გახვითქული უროსმცემლები თანდათან იხდიდნენ სამოსს და ბოლოს ამირგული ამინმა თოკი მოითხოვა.

პოლკოვნიკმა ქამანი გამოიხსნა და ყულფი ერთი დამიზნებით მოსდო გედამბარელის ჟანგიან კისერს.

— მივიდა! — დასძახა ამინმა და ორასმა კაცმა ერთად მოქაჩა.

— მივიდაა! — გედამბარელი ოდნავ შეინძრა და მერე მძიმედ, საშინელი ხრილით დაასკდა მოჭადრაკულ ქვაფენილს.

ავარდნილ მტვერსა და ბულში ხალხმა იხუვლა და მოსერიერთა ლაშქარი სამად გატეხილ გედამბარელს შეესია. აუნერულ ღრიანცელსა და ზედახორაში შვიდ-სამთავროს დროშა ამოტივტივდა და ვი-ღაცამ შესძახა:

— დემოკრატიულ კომიტეტს გაუმარჯოს! ნათან დედლოსს გაუმარჯოს! ილია აბულასანს გაუმარჯოს! სიცოცხლე ვარდ ბულბულიანსა, ტურფასა სამაგაროსა!!!

ბრბოში აღმოჩნდა მიიწყებული ტენორი ჩირო რამდიდარი, რომელმაც ველ-არაფრით დააკავა გულიდან ამომდინარი მელოდია ამირბარული ჰიმნისა:

*ერის გულდიდოოო,
სულის ვარაყოოო,
გულანთებულოი
მინის ნაათელოოო...*

მაგრამ ყოველივე დადუმდა წამსვე, როცა გაისმა გადარეული შეძახილი:

— ოქროს!

ნამტვრევებში მდგომ ჩია კაცს ხელში საბურნუთესტოლა კოლოფი ეჭირა.

კოლოფი ბრწყინავდა.

მზის სხივი დასთამაშებდა მის ლამაზ ზედაპირს.

პატარა კაცს უღვაშებში ეტყობოდა, რომ გაქცევა სურდა, მაგრამ ვერსად გარბოდა: ყოველი მხრიდან უროსმცემლები და მოსერიერები შემოჯაროდნენ და ერთი თამაშის მოლოდინში განაბულდოყვნენ, რათა გაეჩინებინათ იგი, ვითარცა ლეგროხა ბიჭი ტოტია.

— გამიშვით! — დაიკვილა ბოლოს ჩიამ და გედამბარელის თითის ნამტვრევს დასწვდა.

— დასცხე მაგ უნამუსოს! — დასძახა ვიღაცამ და ბიჭები გედამბარელის ნამსხვრევებს დასწვდნენ.

— გამიშვით! — ხმა გაეზარა პატარა კაცს.

ერთმა უროს მოავლო ხელი და დინჯად წავიდა მისკენ.

ამ დროს გაისმა მოკლე, ხმამაღალი სტვენა.

— დადექე! — თქვე ვაი კაცებო, თქვენა, — სწორედ ამირგული ამინის ხმა იყო.

გაოფლილი, ერთ-ერთ ეზოში შევარდნილიყო ონკანის ქვეშ შესადგომად და

აკა მორჩილაძე

ნანერები ვარდის და გულგულისა სუმბუქი საგაზეთო სერიალი



ახლა, იქედან გამობრუნებულს ზურგზე დანოტივებული გიმნასტურა გადაეცვა, — აბა, მანახე ერთი, აქა...

ჯუჯამ კოლოფი გაუნროდა და იქვე ჩაჯდა.

ამინმა ოქრო შეათვალიერა და უფრო მოგუდულად დაუსტვინა.

— ოქროა... და მთავრობას ჩაბარდება. იმ ოხრებს თუ ჩაუტენიათ აქა, მაგათი ოხერი დედა...

ამინმა ხალხი მოათვალიერა და მერე ნინამხდარ მპოვნელს სწვდა ქეჩროში:

— შენ ხო მიცნობ, ა?

კაცმა თავი დაუქინა და აქამდე გარინდულმა ბრბომაც წამოიფრუტუნა.

— ხო იცი, რა საქმეებიც მაქ ნაკეთები?

გარემომ თავები დააკანტურეს.

— ხოდა, კაცურ სიტყვას ვამბობ, ეხლა ეს ჩავაბაროთ მცოდნე ხალხს, რო ქვეყანას გამოადგეს... ხო უნდა გავაკეთოთ ქვეყანა. ხოდა, მთავრობაში წავიღოთ. გინდა, ამირჩიეთ ხალხი და წამოვიდენ ისინიც... ეხლა, ყველა ხო არ წამოხვალთ და იქა და მუქთანის ქორნილივით. შენც წამოდი, ბიჭო, მპოვნელს ხო ნილი ერგება...

კანტიკუნტი ტაში და შეძახილები გაისმა:

— გაუმარჯოს ნათან დედლოსს! გაუმარჯოს გვარდიას!..

— იალა! — დასძახა პოლკოვნიკმა და ხალხი გუნდ-გუნდად დაიძრა დემოკრატიული კომიტეტის შენობისაკენ.

ამ დროს გამოჩნდა მოედანზე ჯეიმს დენიელ ფოუ, რომელმაც საათს დახედა და ხალხს აედევნა. ხიდს გადაღმა ერთი-ორი კინოკამერისანი კაცი გამოჩნდა და ფოუმ წამსვე იცნო ისინი, ფრანგები იყვნენ.

ოო, — გაიფიქრა ფოუმ, — ეგლა მაკლია, მთელმა ევროპამ დამინახოს ხვალ დილით.

ყოფილ ჭიდაობის ეროვნულ სახლთან ამირგული ამინმა ორი გვარდიელი იახლა და ფართოდ გამოღებულ ალაყაფში შეაბიჯა.

მოლოდინი არ განელილა. ამინი მალევე გამოვიდა უკან, მორიდებით გამოჰყვა სარდალ ჯორილდეთიასა და ტარსაიჭს, რომელიც მინასაც კი აჩნდა ბრგე გვარდიელთა შორის.

— ვინ იპოვა ნივთი? — იკითხა ტარსაიჭმა.

ამინმა მკერდზე მიაბაჯინა საშინელი თითი ჩიას.

— აბან.

— სამშობლო შენს სახელს სანთლებად აინთებს, — თქვა ტარსაიჭმა და ხალხს მიუბრუნდა, — ძმებო! აი, რას ნიშნავს ბოროტი ხელისუფლება და აი, რას ნიშნავს თავისუფლება. ჩვენმა მეგობარმა ფასდაუდებელი განძი დაუბრუნა სამშობლოს. ქვაბლიანებმა ბინძურ ქანდაკებას ჩაატანეს ჩვენი სიამაყე, ათაბაგ ვეზირის ზარდახმა, რომელიც ქალაქ ხლატიდან ჩამოიტანეს ჩვენმა ხომელმა რაინდებმა. დალაშქრეს ხლატი და მათი სიამაყე აქციეს ჩვენს სიამაყედ. ეს ზარდახმა, პირნიმინდა ოქროსი, დაიკარგა. და ახლა ამ

კაცმა... შენი სახელი მაჩუქე, წმინდავ...

— ბასიან-ბასიკი.

ფოუს ამ ენისა არაფერი გაეგებოდა, ხალხი კი დაბნეული ჩანდა.

— ჩვენი მთავრობა დააჯილდოებს ყველას, ვინც კი ამგვარ ვაჟაკობას გამოიჩენს... ვითათბირეთ და გადავწყვიტეთ, რომ რახან ჯერ ახალი ფული არ შემოსულა, ბასიან-ბასიკი დავნიშნოთ აგურხანის გამგედ...

ბრბომ იგრილა.

— ასეთი ადამიანი მართლაც მშვენიერ აგურებს გამოიწვავს, აგური კი შენების ნიშანია... გეცოდინებათ, რომ შაითან-ბაზარში დამარხულია უდიდესი განძი, ხომელ რაინდთა საჭურჭლე. ათაბაგ ვეზირის ზარდახმა სწორედ ამ განძეულის ნაწილია. მამ, დამდგარა ამ განძეულის ძიების დროს! ჩვენი ქვეყანა დაიბრუნებს დაკარგულს! ბატონი ნათანი კი მოკითხვას გითვლით, ეს მან მოიგონა ბასიან-ბასიკის აგურხანის გამგედ დანიშვნა...

— გაუმარჯოს დედლოსს! — მოისმა ხალხიდან.

— ნათანდედალოსს გაუმარჯოსს! — შეჰყვირა ერთმა გვარდიელმა.

ნათან დედლოსი კი სულაც არ იყო სამთავრობო შენობაში.

მას თავზე დასთენებოდა გლოჩესტერის ჰერცოგთან საუბარში და ახლა, ამ საუბრით გონდამძიმებული ჩაფიქრებულიყო საკუთარი სახლის სამზარეულოში, სადაც ერთადერთხელ შეძლო შერბენა რევოლუციის შემდეგ.

სასახლეში ენამწარობდნენ, გამოსადინებლად წავიდაო, მაგრამ დედლოსს არ ეძინა. ის კითხულობდა ერთ უცნაურ ხელნაწერს, ჰერცოგმა რომ აჩუქა ნაშუალამევს.

მოცახცახე ხელით ნანერი, გახუნებულ რვეულში ჩატეული თხზულება უცნობ ავტორს ხომელთა საგანძურის რაობისათვის მიეძღვნა. ის ასაბუთებდა, რომ რაინდთა განძი განთქმული გიმეროსან-ლალოსანი ბარძიმა და სხვა არაფერია, ხოლო არსი ბარძიმისა სრულიად იგივეა, რაიც ხომელ რაინდთა საგანძურისა, რასაც ადასტურებს ორი ლეგენდის შეჯერება, მაშხალოსანთა გვარის ისტორია და რაინდთა სადიდებელი ჰიმნები.

ამ უცნობ ლეთისნიერს ზუსტად გამოეთვალა ხომელთა საგანძურის ადგილსამყოფელიც. წერდა კიდევ, უძველესი ფოლიანტის დამონებით, მაშრიყ-მალრიბის გზათა კვეთაზე, სადაც ადრე ამართულიყო ქაროსანის კოშკი, ქართა მაჩვენებელი, საპოვნელია ერთი ინრო ბილიკი, გათელილი სამნავიანი ზაზილიკისკენო.

ბაზილიკიდან აღმოსავლეთით, ჯერ კიდევ დევებს დაუდევთ ლოდი, რაიც უტყუარი ნიშანია იმისა, რომ სწორ გზას ადგახარ. ამ ლოდზე შემდგარი დაინახავ ნამთებს ერთი ძველი კოშკისას, რომელიც აუგია ჭაბუკ ქაოს ქოსოსძეს ჯვაროსან თევერო დე მარლიონის სახელობაზე. ამ ნანგრევის სამხრეთ კიდიდან კი გამოჩნდება ერთი უსახელოდ წამომართული მთა, რომლის ჩრდილოეთ კბოდეზე თავი ამოუყვია მარტოხელა ნიფლის ხესო.

აი, ამ ნიფლიდან უნდა აითვალო შვიდასი წყრთა დასავლით, სამასი და ორასი ჩრდილო მხრით, ას ათი ისევ დასავლით და ოც-და-ერთი მზისკენ.

მლეღვარებისა იყო, აბა, რა.

ნათან დედლოსი არ გახლდათ იმ თვალის კაცი, რომ ამ ხელნაწერისა ბრმად ერწმუნა, მაგრამ თვით ამბავი საუკუნეებსა სწვდებოდა.

ეს ილბალი ხომ სამარადჯამო იყო. გიშეროსან-ლალოსანი ბარძიმი ხომ საერთოდ.

რა შერჩენოდა შაითანბაზარს საამაყოდ? გამქრალი ბარძიმი ესე და თქმულება ამა ქვეყნის მეფუძარ ხომლელ რაინდებზე. ამ ამბავთა ერთობა კი სულ სხვაგვარ ძალას შესძენდა ქვეყანას. განა გაიგებდა ვინმე ამ ხელნაწერის ნამდვილ ძალას?

მისახვედრია, ეს არ იყო მინცდამინც ჭეშმარიტება, მაგრამ ეს იყო იმედი და ფარულის აღმოჩენისა. შაითანბაზარში საუკუნოდ დანთქმული ძალის ამოფეთქვისა, ყელის მოღერებისა. რატომაც არა, რატომაც არა...

არის რალაც, რასაც უნდა უსწოროთვალი და გული. სულიც, რა თქმა უნდა... დედლოსმა ფურცელი ამოიღო და ჩაიწერა:

ჰერცოგს გავესაუბროთ ამ ხელნაწერის წარმომავლობის თაობაზე.

4.

ჰერცოგი გლოჩესტერი უკვე ბებერი იყო.

გარეგნულად მაინც.

უაღრესად სადა, მაგრამ უძვირფასესი შუა სეზონის კოსტუმი მოერგო თოვლისფერ პერანგზე და ხმელ ხელეზე ლაქები ემჩნეოდა. ვერცხლისბუნიკიან ხელჯოხს უფრო მოსაჩვენებლად ებჯინებოდა და ლამის ცისფერად მანათობელი თმა შეთხელებოდა. ხშირ წარბებს ქვეშ სიმშვიდის ლიბრგადაკრული თვალები მოუჩანდა და დაჯერებით ვერავინ იტყოდა, სიმშვიდე მეტი იყო ამ თვალებში თუ სიცივე.

ეს თვალები ლანგარზე დარჩენილ ჩირის ნაკუნებს ჰგავდა, მონოკლი კი, რომელსაც ჰერცოგი ხშირად შეიბჯენდა ხოლმე, მრისხანებას მატებდა მის გამოხედვას.

ჰერცოგი გლოჩესტერი, მემამულე და ფქვილის ქარხნების პატრონი, მაინც არ იყო მხოლოდ მემამულე და მხოლოდ ფქვილის ქარხნების პატრონი.

რიგ მწუხრისშუქიან ოთახებში, სადაც ჭერში მანანავებლად ტრიალებს ხოლმე მაგრილობელი, მას სხვაგვარად იცნობდნენ.

ჰერცოგ გლოჩესტერის სამფლობელოები გადაჭიმულიყო ტასმანიიდან ტრისტან დ'აკუნიაამდე და ცეცხლოვან მინიდან წმინდა მიწამდე.

ჰერცოგ გლოჩესტერის გამო ამბობდნენ, რომ დედამინის ზურგზე ძნელად მოიძებნება მასზე იდუმალი კომერსანტი. ჭორობდნენ, რომ მან შექმნა გამდრებლის ზღაპრული ხერხი, რომლის არსიც ვერავის ამოუცვინია. ამ ხერხის ერთი საიდუმლო თითქოს ამოხსნა კიდევ ერთმა ფრანგმა ჟურნალისტმა, რომელიც ჰერცოგის ერთი ფინანსური ოპერაციის კვალს გაჰყვა კომორის კუნძულებიდან ინდოჩინეთამდე და მერე დღისით-მზისით განუტყევა სული ჰონგ-კონგში, წვიმის სეზონის დროს, ზედ ჯარდინ ბაზარის ქუჩაზე.

სუნთქვაშეკრულმა ერთადერთი სიტყვა ამოიხავლა: — ნავაგი...

საერთაშორისო მძებართა ჰონგ-კონგის ბიურომ ხელთ იგდო გარდაცვლილი ფრანგის წიგნაკები და გამოძიებაც კი წამოიწყო, რომელიც საგაზეთო ხმაურის მიუხედავად სასამართლომდე ვერ მივიდა. მძებრებმა გლოჩესტერის კონცერნ Heira-ს დაადგეს თვალთ.

აღმოჩნდა, რომ ფრანგის სიკვდილისწინა ხავილი სავარაუდო მკვლელის მართ ნასროლი სალანძღავი სიტყვა კი არ იყო, არამედ სავსებით გასაგები მინიშნება. მისი დღიური დასწვდა, რომ ჰერცოგი გლოჩესტერი სხვა ათას რამესთან ერთად, ნავაგის კონტრბანდისტებიც იყო. ფრანგი ეჭვობდა, რომ მისი გემები და ტანკერები მსოფლიოს ერთი ბოლოდან მეორეში დაანონიალებდნენ მრავალტონიან, მავნე სანაგვეებს, რომლებიც ათასგვარი ქიმიური საშინელებით აევსოთ. თანაც, გლოჩესტერი ემსახურებოდა არა

რალაც სულელურ, ნახევრადყარაღურ დაწესებულებებს, არამედ საკმაოდ ძლიერ, ლამის საიდუმლო ინსტიტუტებსა და ერთობებს, თვით სახელმწიფოთა საიდუმლო ძალებსაც კი.

დღიურის გარდა მაძებრებმა ვერა ფერს მიაკვლიეს. ის კი შეძლეს, რომ Heira-ს ფლოტილის შემონახვა მოეხდინათ, მაგრამ იქ ბანანისა და ფქვილის მეტი არაფერი იყო და კვალიც კი მხოლოდ ბანანისა და ფქვილისა აღმოჩნდა.

ამ ამბიდან ორი წლის თავზე სრულიად შემთხვევით აღმოჩნდა ნაგავსაყრელი: პანანინა კუნძული ტამასა მბენსე.

ეს კუნძული გამოდგა ოვამბოს ხალხის თავლობის თვის რიტუალური ადგილი, რომელსაც ახლადმუშლელთა ნავით ეწვეოდნენ ხოლმე და როდესაც მატერიკზე ნეფე-პატარძლის წყვილი არ დაბრუნდა, თეთრი ადმინისტრაციის ადგილობრივი მოხელეები ჯარისკაცთა ოცეულთან ერთად გადასხდნენ კუნძულზე. მათ აღმოაჩინეს ნეფე-პატარძლის გვამები და ორმოცი ლითონის ყუთი, ამათგან სამი თავახილი. ყუთებში ვაშლის მოყვანილობის რბილი საგნები ეწყო. ერთი კვირის თავზე თეთრებს კბილები დასცივდათ, რადგან თავადაც გვარიანად იბოდილეს კუნძულზე, იმ გულუბრყვილო ახლადმოქონებულთა კი, ალბათ გემოც კი გაუსინჯეს ამ საშიშ ხილულს და აკი დაიხოცნენ კიდეც. მალევე დადგინდა, რომ ეს საგნები ბაქტერიოლოგიური ცდების საშიში ნარჩენები იყო.

მერე კიდევ იყო ტანკერ ადელაიდას ისტორია, რომლის მოთხრობაც ამბავს განეკუთვნება და სხვა არაფერი.

ამბობდნენ, რომ ჰერცოგი გლორესტერი გახლდათ ერთი განთქმული და გულდახურული კლუბის წევრი. მეგობრები წერდნენ ამ კლუბის ბუნდოვანი და რთული აგებულების შესახებ და აცხადებდნენ, რომ მისი ადგილსამყოფელი არავინ იცის. თავად კლუბის საფარადო სახელწოდებაც კი ჭორზე დამყარებული და პირობითი იყო. ჟურნალისტების გამოთვლით, კლუბის წევრებად იყვნენ აუცილებლად მსოფლიო დიდგვაროვნები, რომელთა შემოსავალიც ათი-თორმეტი წელით გაიზომება. მათი ეჭვით კლუბი გაბმულიყო ბნელ, ფარულ პოლიტიკურ თამაშებში და დიდად ზემოქმედებდა სამყაროს ლატაკ კუთხეებზე: განაგებდა კოლონიური ადმინისტრაციის სვე-ბედს, ანანასის ფასებს და ქვანახშირის საბადოების მომავალს. წერდნენ იმასაც, რომ კოლონიათა რღვევის ხანაში კლუბი ეხმარებოდა ფრიად უცნაურ, თავზეხელაღებულ პარტიებსა და რევოლუციონერებს.

ჰოდა, ჰერცოგი გლორესტერი ჩამოვიდა.

იმ მშვენიერ, გრძობებით დაცვარულ დამეს, ძველი აეროდრომის ცუდად განათებულ ბილიკზე მდგომი, მსუბუქი სუსხით ოდნავ შენუხებული მათან დედალოსი ათას რამეს ფიქრობდა ბებური უცხოელის შესახებ.

ცა იყო მოჭედილი და წყნარი, ისეთი, როგორსაც აღწერდნენ ძველ შაითანბაზრის ელეგიებში. მართალი იყო, მართლაც დაჰფენოდა იქაურობას სავსე მთვარის მკრთალი ნათელი.

დედალოსი კი იდგა, ვითარცა ლათინურის გამოცდაზე მღელვარე გიმნაზიელი, რომელსაც ყველაფერი გამოფრენია თავიდან სამი დაუვინყარი სიტყვის გარდა: ინ ვინა ვერიტასო.

მაშ, შეითანბარული ღამე... არაფერია მასზე მიმზიდველი და მათრობელი, მოლივლივე და შრილა, მყუდრო და შემტყუებელი. არაფერია მასზე უკეთესი მთელს ამ ქალაქში. ოჰ, მთვარე, მთვარე, ოჰ, ღამე, ღამე.

ვერავინ დაიჯერებს, რომ სადღაც სხვაგან, თუნდაც კალაპარისში, ამგვარი მშვიდად კეთილი ბურთი ჩასვენებულა ღრუბელთა შორის, ან კიდევ ასეთი ვერცხლისფერი ვარაყი იკვეთება ხეებსა და სახურავებზე. სულ უბრალო, დღისით შეუმჩნეველ, კრამიტდაცურებულ სახურავებზე. მართლაც სხვაა შაითანბაზრის ღამე. ამდენნაირი შავი ფერი არსად არსებობს და სანტიმენტაც ამდენნაირი ძნელი საპოვნია. ღამის ნიავი აქ ქალწულის სუნთქვას ჰგავს და თუ გაისმის ჭრიალი მეორე სართულზე ამავალი კიბისა, ყველა მიხვდება: ახლოა შეყვარებულთა პაემანი. ძველისძველ ლილინსაც ჰგავს აქაური

ღამე; ამირბარულ ქვაფენილზე ფეხარეული ოფიცრის ჩექმის ქუსლების უთანაბრო ნკარუნი აქაურ ღამით გაისმის, ვითარცა მუსიკა. ახლა მდინარე? დღისით წიღისფერი, მდორე, უსახური, ღამით კი ისიც მომღერალი, ათასი მკრთალი ათინათის საბანაფარებული.

აჰ, მართლაც ტკიპილია შაითანბაზრის ღამე, ოღონდ ეგაა, მისით ტკობის შნო არ შერჩენია ვინმეს, რადგან ჩამოდნა და მოიწურა თვით შაითანბაზრის გული, რომელიც შეიფრთხილებდა ამ ღამეული ამბის შეგრძნობით. აი, ამიტომაც, უცხოელებს არ ესმით შაითანბაზრის. ის შავთვალა ბავშვების, აზარფეშების და მოხდენილი ღიმილის ქვეყანა ჰგონიათ. აქაური ღამეებისაც არ გაეგებათ რამე, რადგან მზის ჩასვლისას უკვე მთვრალეები არიან.

თვითმფრინავს უზარმაზარი ასოებით ეწერა: გლორესტერი.

კაცი ყოჩაღად ჩამოვიდა კიბეზე და ნათად დედალოსიც უხერხული ნაბიჯით გაეშურა სტუმრისაკენ.

— ეელქამ, ვი არ ჰევი... თუ მით იუ ინ... ჰერცოგმა ჩაიღიმა.

— რად გინდა? — თქვა უმძიმესი აქცენტით, — ეს ჩემი სამშობლოა.

დედალოსმა ტარსაიქს გადახედა, აქაოდა უშენოდან ვილაპარაკებო და ხმელი და ოფლიანი ხელის მტევენები შეხედნენ ერთმანეთს.

— რა კარგი ღამე არის დღეს, — თქვა გლორესტერმა, — თან ისევ აქა ვარ.

— დიახ, მართლაც, — ჩაიღუღუნა დედალოსმა.

თვითმფრინავის სატვირთო კართან დიდი ფუსფუსი იყო.

ჰერცოგის თანხლები ასე ოცი მოხსლეთილი ჯეილი დიდ ყუთებს შეჭიდებოდა.

ნათან დედალოსს ეგონა, რომ გლორესტერს მუხუდოს და ბრინჯის კონსერვები ჩამოეტანა ძღვნად და წრფელად უხერხულობდა, რამოტოლა ხარჯი გაუღია ამ კაცსო.

იმ ყუთებში საერთოდ არ იყო საჭმელ-სასმელი, არამედ მხოლოდ ტელევიზორები, რადიოკავშირის ხელსაწყოები და უზარმაზარი ტელეანძისთვის საჭირო რამე-რუმეები. იქავე ნამოწყებულმა საუბარმა გამოაჩინა, რომ ჰერცოგს განეზრახა ქალაქის უდიდეს მოედანზე უშველებელი ტელევიზორის დადგმა.

— ტელეამბავი აქ მთავარია, ტელეამბავი აქ საჭიროა, ჩვენ ერთად მოვაკეთებთ, აპალგასდები ისწავლის და თავისი ტელევიჟენ ექნება, — უთხრა ჰერცოგმა დედალოსს, — მანამდე დიდი ანტენ უნდა, რომ ტალღა მოვიდეს შორიდან.

ნათანმა მალევე შეიტყო, რომ ამ ორი კვირის განმავლობაში შაითანბაზრში ჩამოფრინდებოდა დღელამეში ორი სატვირთო თვითმფრინავი და ჰერცოგის ფონდის ოფიციალურ დახმარებას ჩამოიტანდა ქვეყანაში.

ეს იქნება საკვება და ტანისამოსათ. ტელევიჟენ კი ჩემი პირადი საჩუქარი და თქვენ პირადად საჩუქარი ეს ლიმუზინ... — ჰერცოგმა სატვირთო ნაწილის დაღებულ პირისაკენ გაიშვირა გამხმარი თითი. ასეთი მანქანა, ალბათ, განსვენებულ ასიკო ასურასტანსაც არ ენახა.

დიდი და გლუვი, მთვარის მუქზე მზინავი, მინებდაბინდული და ჩუმი.

ყველაზე დიდი რამ საჩუქარი, დედალოსს რომ რგებოდა ცხოვრებაში ერთი ძველისძველი მეწამული შარფი იყო, ილია აბულასანმა რომ შეუგზავნა ციხეში მჯდომს.

გაოგნებულმა იუარა კიდეც. მადლიერებით მიუგო ჰერცოგს, უმჯობესია, ეს მანქანა მთელს ჩვენს საქმეს მოვახმაროთ, მაგრამ ბებერმა ხელი აიქნია, ეს პირადი საჩუქარიო.

— აბა, რა? არაფერი, — თქვა გლორესტერმა, — აქ მობილ-კოლეჯი უნდა იქნას. უამრავი რამეები. ცხოვრება. მოვისაუბრებთ... აქ ისევ არის მდინარეზე ბინდიანი? კარგი რამე...

— ეეე... რა თქმა უნდა, რა თქმა უნდა... საუბარმა დილაძე გასტანა. საოცარი რამეები ითქვა, ღამის ათას ერთი ღამისა.

რახილ ოთახის კარს აკვროდა ყურით.

გაგრძელება შემდეგ ნომერში

ღამისუბი

ხათუნა თურმანიძე ტუზია

სკოლის ბუფატი

დილით ბავშვი ბაღში დავტოვე და ვიდრე ავტობუსის გაჩერებაზე მივიდოდი, რატომღაც ჩემი სოფლის სკოლა გამახსენდა. სულ ორი წელი ვისწავლე იქ და მაინც მთელი ცხოვრება მომყვება მაშინდელი მოგონებები. და რაც მთავარია, არც მასწავლებლები მახსენდება, არც თანაკლასელები... რატომღაც ბუფეტი მახსოვს: გახუნებულ ცისფრად შეღებილი, ნაზის ბორში და გოგოშას პავიდლოიანი პური, თხუთმეტ კაპიკად რომ იყიდებოდა. მაგრამ, იცით, რამხელა ფული იყო ის თხუთმეტი კაპიკი? ყველას კი არ ქონდა, მით უფრო სოფელში!

სიტყვა გამიგრძელდა, ბუფეტი მახსენდება-მეთქი, მახსენდება და დღემდე მეზინება ის სუნი და პავიდლოიანი პურის დანახვა. არც მეზუფეტეები მეხატება გულზე. წლებია, იმ სკოლაში არ შემიხედავს, და ალბათ, ახლაც გამაკანკალებს იმ საყრდენი სვეტის დანახვაზე, ბუფეტის შუაგულში რომ იყო ამოზრდილი სამარცხვინო ბოძივით. ვერ ვიტან ასეთ სვეტებს...

ის ბოძი და ლელა განუყოფელი ნაწილია ჩემს მეხსიერებაში, თითქოს შეზრდილი იყო ერთმანეთთან ხორცი და რკინა. მეგონა, სპეციალურად ამ გოგოსთვის დაამონტაჟეს მშენებლებმა, რათა მთელი ცხოვრება გავეწვავლებინე უსიამოვნო მოგონებებს.

შემოვიდოდა ბუფეტში და ამ სვეტთან აიტუზებოდაზურგით ბოძისკენ და სახით მაგიდებისკენ, სადაც ლოყადანითლებული სოფლის ბავშვები სწრაფად იტენიდნენ პირში გოგოშასთან ნაყიდ წინა დღის ფუნთუშებს ან მის ცნობილ პავიდლოიან პურს.

აიტუზებოდა და პატარა ლუკვივით შესციცინებდა ყველა შემომსვლელს, ხოლო ფოფინა თვალებში გააღმასებული შიმშილი და უსაზღვრო თხოვნა ედგა — მომიტეხე, რა!

შიშს დიდი თვალეები აქვსო. მარტო შიშს არა — შიმშილს უფრო დიდი თვალეები ჰქონია თურმე, დიდი და ცრემლით, უზომო ნალევლით სავსე!

არ უყვარდათ ბავშვებს, ტუზიას ეძახდნენ პირშიც და ზურგს უკანაც. არც მე მიყვარდა. მაშინ ვერ გეტყოდით რატომ, მაგრამ ახლა ვხედავ, რომ მანუხებდა და მაფორიაქებდა მისი თხოვნით სავსე თვალეები. არ მიყვარდა, რადგან უხერხულ გრძნობას მიჩენდა მისი გამჭოლი მზერა, თითქოს ლუკვებს მითვლიდა და ღამის ყბებიც ჩემთან ერთად აემოძრაებინა. არადა, ვერსად დაემალეოდი, ყოველ შესვენებაზე იმ სვეტთან იყო ატუზული და უცდიდა ვინმე მადლიანს. არ მახსოვს, ვუყოფდი თუ არა ჩემს არცთუ ისე სახარბიელო საუბრებს: გამხმარ ფუნთუშას ან პავიდლოიან პურს. თავს ვერ მოგანონებო, კეთილი ვიყავი-მეთქი. ამით სინდისი მაინც არ დამიმშვიდებდა. მეც ხომ იმ ჩვეუ-

ლებრივ სოფლის ბავშვთა რიცხვში ვეწნე, ხელისკანკალით რომ აძლევდნენ მშობლები ხურდას. ან მშობლები სად მყავდა?!

თან, ალბათ, არც გვესმოდა, რა მძიმე ხვედრი არგუნა განგებამ, არც ცოდვამადლის გაგვეგებოდა რამე — სიკეთესაც ინტიტურად ჩავდიოდით და ბოროტებასაც. ჩვენთვის ის ერთი აუტანელი გოგო იყო, ჭუჭყიანი თმებით და წინსაფრით.

არადა, არც სახლში ელოდა ცხელი სადილი და მზრუნველი დედა. მაშინ იშვიათი იყო ოჯახის დანგრევა, თანაც სოფლად, მაგრამ აქაც არ გაუმართლა... დედა წავიდა, სხვა კაცთან წავიდა... დატოვა სამი მშვიერი ბავშვი და... მერე გარდაიცვალა!

ალბათ რამდენჯერმე მეც აღმოვჩენილვარ მადლიანთა რიცხვში, გამიტეხია მისთვის ისედაც სიფრიფანად დაჭრილი პური, მაგრამ რა ცოტა იყო ეს მშვიერი ბავშვისთვის!

მერე ხშირად მომგონებია მისი თვალეები. არა, მათხოვრის არა, ეს სულ სხვა ინსტიტუტია, უბრალოდ მშვიერი ბავშვის... მოლოდინით სავსე თვალეები. და როცა ამ გაუსაძლის ყოფითობაში ჩემს ცხოვრებაში დამდგარა მომენტი, როცა სახლში ერთი ნაჭერი პურიც არ მქონია, ყოველთვის მომგონებია ბუფეტის ბოძთან ატუზული ლელა, მოწყალეების მომლოდინე და უნებურად შეგუნუხებივარ სინდისის ქვეწახს: ეს შენ იმისთვის, რომ იმ დღეს საუზმე არ გაუყავი!

მაინც რამ გამახსენა ეს სვედიანი ისტორია ამ ბრწყინვალე დღესასწაულზე — სოფლის სკოლის ბუფეტი და მშვიერი გოგო?!

ჰო, მივხვდი, საბავშვო ბაღის გვერდით საცხოვია, ზუსტად ისეთივე გახუნებულ ფერებშია შეღებილი და ისეთივე ძველი ზეთის სუნი ასდის, როგორც იმ დანაწევილი ბუფეტს, სიცოცხლეს რომ გამიმნარებს ხოლმე გახსენებაზე. ჩემმა გოგომ ფუნთუშა მიხოვა და უარი ვუთხარი, გუმინდელია-მეთქი!

P.S. უკვე სტუდენტი სოფელში ჩავედი მეგობრებთან ერთად, მდინარიდან ვბრუნდებოდი და უცებ ჩემი სახელი შემომესმა. მივიხედე. ორლობეში ვილაც ღამაში ფეხმძიმე ქალი იდგა და ხელს მიქნევდა. თითქოს დიდი ტვირთი მომწყდა მხრებიდან...

ლელა იყო — გათხოვილი, დაქალბუერი და თან ისეთი ღამაში, გავოცდი! ხომ არ მეშლება-მეთქი. სადა იყო სამარცხვინო ბოძთან ატუზული ის გაფსხრიკული გოგო, ხუჭუჭა ჭუჭყიანი თმით და მშვიერი თვალებით, ასე რომ აწვალებდა ჩემს მახსოვრობას.

მეზობლებს ვკითხე მისი ამბები. ჩვენი სოფლის ავტობუსის მძღოლს შეურთავს თურმე, არადა იმ ბიჭს ბევრი გოგო უპრანავდა თვალებს — ისეთებიც, ტუზიას რომ ეძახდნენ ლელას.



*
 განა გიზიდავს ადამიანი, რომელიც დღეში ერთი საათით ან თვეში ერთი დღით არის მომხიბვლელი, დანარჩენ დროს კი უჭუმურობით გამოირჩევა? ან კარგად გახსენდება ადგილი, სადაც ერთი წლის განმავლობაში ცხოვრობდი და მხოლოდ რამდენიმე ხალისიანი საღამო გაატარე? აი, დაახლოებით ამიტომ ვერ ვამბობ, რომ პოეზია მიყვარს.

*
 ავტორის ასაკთან ერთად მისი პოეზიის „ცვლილება“ ამ პოეზიის უპირობოდ „გაუმჯობესებას“ არ ნიშნავს. პირიქითაც ხდება ხოლმე. მაგრამ ისიც უდავოა, რომ თუ პოეტის ასაკის კვალდაკვალ მისი პოეზიაც არ იცვლება, იმ პოეტისა და პოეზიის საქმე მთლად კარგად ვერ არის.

*
 იყო დრო, როცა შეკითხვა „რატომ, რისთვის წერ?“ ყველა დროის ყველაზე ბრიყვულ შეკითხვად მიმაჩნდა — არ ვიცი, ასაკის თუ იმ საერთო გარემოს წყალობით, რომელშიც მაშინ ვცხოვრობდით ჩვენ, მწერლები, ლიტერატურა. დღეს მგონია, რომ კითხვას — რატომ ვწერ? — თავის თავს პერიოდულად მწერელთა მხოლოდ ორი კატეგორია არ უსვამს — გრაფომანები და გენიოსები. ეტყობა, საბედნიეროდ, არც ერთი ვარ, და სამწუხაროდ, არც მეორე.

*
 პოეტი ვერასდროს დაენება მეცნიერს მეცნიერებაში — რისი მეცნიერიც არ უნდა იყოს ის — ფილოსოფოსი, მათემატიკოსი, თუნდაც ლიტერატურათმცოდნე... ხოლო თუ დაენება და გაუსწრებს კიდევ, ის მეცნიერი ყოფილა, ჯერ მეცნიერი მაინც და მერე — პოეტი. და თუ მეცნიერი ან „ჯერ მეცნიერი“ სამეცნიერო აზრების ან აღმოჩენების გადმოსაცემად პოეზიას მიმართავს, ეს მიზანშეწონილი ერთ შემთხვევაშია: თუკი ამას თავისი მეცნიერული სათქმელის იმაზე უფრო ნათლად გადმოსაცემად აკეთებს, ვიდრე მეცნიერების ენაზე შეძლებდა. სათქმელის უფრო გართულება-გაბუნდოვანების ვარიანტი ხომ სრული გაუგებრობაა.

პოეტმა პოეზია უნდა ეძიოს. მეცნიერებას მხატვრული ენა და აზროვნება არ სჭირდება.

*
 მედროვე ეპატაჟისტი ლუზერებს (მგონი, შეიძლება ასეთი ტერმინის შედგენა) — შესაბამისად (ტერმინის არსის შესაბამისად) — ისტორია არ იმასხოვრებს, ანუ არ იმასხოვრებს მათ, როგორც მაგალითებს. შესაბამისად(ვე), დღევანდელ ასეთებს ვერავის შეადარებ წარსულიდან, ისინი ყოფილს არავის გაგახსენებენ. ამიტომაც ზოგჯერ (ბევრჯერ) შეიძლება გეგონოს, რომ ესენი მედროვე ეპატაჟისტი ლუზერები არ არიან, რომ — სულ პირიქით.

*
 და ბედნიერი პოეტები? ლექსებში ვენებს რომ იგლეჯენ და ამ დროს საათივით აუნყვიათ ცხოვრება ამ საშინელ, გაუტანელ ნუთისოფელში...

*
 მწერალი მხოლოდ იმით არ უნდა გამოირჩოდეს, რომ „სხვანაირია“, ახირებულია, უბერავს... მით უფრო, რომ ამით ვერ გამოირჩევა — ამას მრავალი სხვაც მშვენივრად ახერხებს.

*
 კოლეგების მიმართ გალაკტიონიც ენამწარობდა. ალბათ, მის მიმართაც ენამწარობდნენ კოლეგები. მაგრამ დღეს გალაკტიონის ენამწარობას იხსენებენ — თანაგრძნობით და მხარდაჭერით. ანუ სხვისი დაცინვა ყველას შეუძლია (მეტ-ნაკლებად); მაგრამ როცა სხვას დასცინი, ბოლოს გალაკტიონი უნდა აღმოჩნდეს, გალაკტიონად დარჩე, თორემ სხვისგან დაცინვა ხომ შეგრჩება და შენი დაცინვაც შენვე მოგიბრუნდება, უარესად.

ზაზა ბიბილაშვილი პოეზია, დანარჩენი ლიტერატურა, და დანარჩენი

ნინო სადღობელაშვილს



*
 ადრე, მგონი, ძირითადად, ასე იყო: ჯერ წიგნი უნდა გაგეცნო, და მერე — თუ ბედი გაგიღებდა ან შემთხვევა მოიტანდა — იქნებ მისი ავტორიც. დრო ყველაფერს ცვლის და შეიძლება ამ თანმიმდევრობის სტანდარტიც შეცვალოს: ახლა ჯერ მწერალი უნდა გაიცნო, მერე კი ვინ იცის, იქნებ მის შემოქმედებასაც გადაავლო თვალი...

*
 ჩვენი ლიტერატურული გარემოს ფრაგმენტულობა (და პირობითობაც კი), ავტორისა და მკითხველის ურთიერთ-გაუცხოება, გაყრა, და მსგავსი მოვლენები, ასე ვთქვათ, საერთო ვითარების შედეგი და ნაწილია და არ ვიცი, როდის რა ეშველება.

თუმცა არც სუბიექტური უმსგავსოების საშველი ვიცი. ვგულისხმობ ლიტერატურისადმი ლიტერატორთა უსინდისო დამოკიდებულების გამოვლინებებს: ჟიურის წევრის მიკერძოებულობას ან ზერელობას; კოლეგის უსაფუძვლოდ ძაგებას, უსაფუძვლოდ ქებას ან ყოვლად განსხვავებულ შეფასებას განსხვავებულ დროსა და სივრცეში (განსაკუთრებით ვგულისხმობ შემთხვევებს, როცა ამის მიზეზი, ადამიანური სისუსტე კი არა, ანგარებიანი გათვლაა)...

თუმცა შეიძლება ვაჭარბებ და ხშირად ასეთ ქცევას უცოდინრობა ან უგემოვნობა იწვევს, რაც, მთლად არცოდნა თუ არა, ნაკლები ცოდნაა, ვიდრე წმინდა წყლის უსინდისობა.

*
 სულ იმას ვუჩიჩინებ თავს, რომ ლიტერატურაც ერთი ჩვეულებრივი სფეროა ადამიანის საქმიანობისა. მაგრამ იმასაც ვატყობ, რომ ჯერჯერობით ისევ განსაკუთრებულად აუტანელია ამ სფეროში მოსაქმეთაგან გამოვლენილი ლაქუცი, პირფერობა, ჩასაფრება, ღვარძლი და სხვა უღირსი და უსინდისო ადამიანური სისუსტეები.

*
 მეგობრობის წინაშე უძღურია ქართული ლიტერატურის ქაჯეთის ციხე.

*
 თუ ადამიანებთან ურთიერთობებით ვერ დაიტრიალებ, თვითრეკლამა საერთოდ არ გამოგდის, გათვლებსა და ანგარებებზე ლამის გული გერევს... მაშინ, მით უმეტეს, სხვა რაღა გზა გაქვს — კარგად უნდა წერო.

*
 თითქოს ერთ რამეს მივხვდი, ან ერთ-ერთი მიზეზი აღმოვაჩინე იმისა, თუ რატომ კითხულობდნენ ადრე გაცილებით

მეტს: იმიტომ, რომ მაშინ დრო უფასო იყო, უფრო იაფი მაინც. გასართობიც არ იყო ბევრი. მაგრამ რაც მთავარია, ფული არ იშოვებოდა. ანუ დროის კონკრეტული მონაკვეთი რაშიც არ უნდა დაგეხარჯა, ფულს ვერ იშოვიდი. ფული უხვად ახლაც არ იშოვება. მაგრამ ახლა უფრო ადვილია ფიქრი ან განცდა — ამის ნაკითხვას სჯობს, რამე მოვიფიქრო და ფული (სარჩო) ვიშოვო. მაშინ კი სამსახური გქონდა, სამუშაო გქონდა — შესაბამისი ხელფასით — და ეგ იყო. ჰა-ჰა, ისევ სამსახურ-სამუშაოდან თუ ანაპნიდი რამეს. თავისუფალ დროს პოტენციურ ფულს ვერ დაკარგავდი. იმიტომ, რომ პოტენციური ფული არ არსებობდა. უფრო დრო უნდა გაგეყვანა. საამისო საშუალებათა შორის კი კითხვა ერთ-ერთ კარგ „ტონადაც“ მიიჩნეოდა...

*
 ვამბობთ, რომ ნიჭი თავის გზას არ დაკარგავს, რომ წლების მერე ყველა და ყველაფერი შეფასდება და დაფასდება და ასე შემდეგ. ამას ვამბობთ, ალბათ, იმ მაგალითების საფუძველზე, ნიჭი რომ არ დაიკარგა, შეფასდა და დაფასდა. იმიტომ, რომ ვიცით ეს მაგალითები. მაგრამ ის, აბა, ვინ იცის, რამდენი ნიჭი და ნიჭიერი ადამიანი დაიკარგა და არასოდეს შეფასებულ-დაფასებულა; და რომ დაიკარგა, სწორედ ამიტომ არ ვიცით ეს მაგალითები.

(ეს ფიქრი ფილოსოფოს არისტარქეს ამბავს მოჰყვას: არისტარქეს ქრისტეს შობამდე 300 წელს დაუდგენია, რომ დედამიწა სამყაროს ცენტრი არ არის, რომ ის მზის გარშემო ბრუნავს, რომ მზისა და მთვარის დაბნელებას მთვარისა და დედამიწის ჩრდილები იწვევს და ასე შემდეგ. გალილეიმ ეს ყველაფერი 1609 წელს დაადასტურა. ვინ ვიცით არისტარქეს. რომც ვიცოდეთ, ეგაც დიდი ამბავი)...

*
 ჩვენ ეს ცხოვრება ვერ ვისწავლეთ და ხვალ — კიდევ უფრო ტექნოლოგიურ დროში — ალბათ, ნაბიჯსაც ვეღარ გადავდგამთ.

*
 ყაყა და კაკა. ფონეტიკურად ასე მცირედ რატომ განვასხვავებთ? სწორედ ის მივანიშნებ, რომ მათ შორის განსხვავება მცირეა, თუ ბავშვის გონება დავძაბეთ, თავიდანვე გავაფხიზლებთ — რომ განსხვავება შეიძლება ერთი შეხედვით მცირე მოგეჩვენოს მაშინ, როცა ის რადიკალურია?

*
 ინფანტილურ ასაკში გადაწყვიტე, სტრიქონებად გამოკვეთილი დევიზი მქონოდა ცხოვრებისა. „რაც უნდა ჭირი მომკერძო, ბილწით არ შევეკვრი ზავითა“ ავირჩიე. ოღონდ ზერელედ, მხოლოდ მოწონებ-

ის გამო არ ამირჩევია — განწყობა, ცხოვრების წესიც ასეთი მქონდა, ყოველ შემთხვევაში — აქეთ მიმართული. თუმცა მოგვიანებით ეს არჩევანი გამოსხეხია, როგორც სწორედ ინფანტილური გადამწყვეტილება.

როგორც იყო, იყო. მთავარია, რომ თუ დავუკვირდებით, არავითარი „ზედმეტი რომანტიკა“ და, მით უმეტეს, ქარაფშუტობა ამ დევიზის არჩევიდან არ გამოსჭვავის — რაკი ბილწებთან შეკვრა, ყველაზე თუ არა, ერთ-ერთი ყველაზე დიდი ჭირია — პრაქტიკულად, გასაძლებად, გადასატანად — გამუდმებული ჯოჯოხეთია. ალბათ.

*
 თუ გამოვეკიდებით, მთლად მართალი არავინ არის ზრდასრულ ცოცხალთაგან — აკი ძნელად სავარაუდოა, რომ რომელიმე მათგანმა ერთხელ მაინც არ გაუშვა ხელიდან სამშობლოს, მოყვასის, სიმართლის მხარდაჭერის მანსი, რომელიც ჩვეულებრივი თავგანწირვით დამთავრდებოდა.

*
 რაც მეტია ურთიერთობა, მით მეტია სიყალბე, ფარისევლობა, თვალთმაქცობა. აქვე ჩანს მარტოობის, გავლულების მთავარი ხიბლიც.

*
 მეგობრობაში პრაქტიკული საჭიროება მეტია, ვიდრე კეთილშობილება. როცა მეგობრები — ასე ვთქვათ, გავლენიანი — გყავს, ცხოვრება უფრო გიადვილდება; თორემ ვერაფერი თავისთავადი სათნოებაა, დაიჭირო მეგობრის მხარე, როცა ტყუის, თვალი დახუჭო მის უმსგავსოზე ან სულაც შეუქო ის — რათა მეგობარი არ დაკარგო, და ასე შემდეგ. იქნებ უმეგობრობა უფრო ახლოს იყოს კეთილშობილებასთან — თუკი ის, ვთქვათ, უკომპრომიზობით (და ასეთებით) არის გამოწვეული და არა, ვთქვათ, მიზანთროპიით (და ასეთებით).

*
 მიტყევა მართლაც მშვენიერი გამოგონებაა შემთხვევებისთვის, როცა სამაგიეროს გადახდა არ შეგიძლია.

*
 თურმე შეიძლება, ადამიანი ისე ანათებდეს შენს ცხოვრებას, თვითონ წარმოდგენაც არ ჰქონდეს ამაზე. თუ ჩაეძიები, ალბათ, გაირკვევა, რომ ეს — შენი ცხოვრების სინათლის სტატუსი — მას არ დაუმსახურებია. მაგრამ მერე რა — იმას ხომ ჩაძიებაც არ უნდა, რომ შენ არ დაგიმსახურებია, ის ცხოვრებას გინათებდეს.

*
 უმიზეზო არაფერია, და არც — სიყვარული. აი, დამსახურების, დამსახურებულობის რა მოგახსენო.

*
 შეიძლება, ღმერთმა ეს ყველაფერი მართლაც სერიოზულად გააკეთა, მაგრამ ახლა, ამ ეპოქაში შეუძლებელია ყოველივე ამის სერიოზულად აღქმა; როცა გაჩნდა სულ სხვა მიმდინარეობები, უანრები, რაკურსები...

*
 იქნებ თითოეული ჩვენგანის წარსულში მოიძებნება ისეთი ფაქტები და შემთხვევები, რომელთა გახსენებისას გავგეფიქრება — ის რომ არ მომხდარიყო, რა გვეშველებოდაო — ანუ წარმოუდგენლად გვეჩვენება ჩვენი ცხოვრება იმ ფაქტებისა და შემთხვევების გარეშე. ასეთი არაერთ-ჯერადი მოვლენა ჩემთვის იუმორი. ჯერ-ჯერობით ყველაზე საიმედო თავშესაფრად მაინც ეგ გამომადგა. ვნახოთ, სანამდე გაძლებს.

*
 სერიოზულობა სირცხვილია.

თამარ ბაბუნია ამ ნიგნში დანერვილებით, დეტალურად, გამოწვლილვითაა შესწავლილი ჯერომ სელინჯერის ცხოვრება და შემოქმედება და, ამასთან ერთად, საინტერესოდ და საყურადღებოდაა მიმოხილული XX საუკუნის ამერიკული პროზა — კერძოდ, ყურადღება გამახვილებულია იმ დიდოსტატებზე, რომელნიც პირდაპირ თუ ირიბად ურთიერთობდნენ სელინჯერთან. იქნება ეს ჰემინგუეი, ფოლკნერი, ფიცჯერალდი თუ სხვები. საკითხის ღრმა ცოდნა და ფართო ერუდიცია ავტორს საშუალებას აძლევს, იმსჯელოს ტოლსტოის, ბალზაკის, სტენდალის, ჰიუგოს, სტიინბეკისა და სხვათა შესახებ, თანაც ისე, რომ არ გადაუხვიოს მთავარ თემას, მთავარ ხაზს — ჯერომ სელინჯერის ლიტერატურული მემკვიდრეობის სხვადასხვა კუთხით მრავალჭრილი წარმონეწას.

სასიამოვნოდ, ერთგვარად რომანტიკულად, ჩუმი სევდითა და ფარული იუმორითაა მოთხრობილი სელინჯერისა და უნა ო'ნილის სატრფიალო ურთიერთობის შესახებ (როგორ მიითვისა სელინჯერის წერილები უნას მეგობარმა — საროიანის შეყვარებულმა, როგორ ნატრობდა ვაჟი, რომ ასეთი ვრცელი, ღრმა და ჭკვიანური წერილი ახალგაზრდა ქეროლის დანერვილი არ ყოფილიყო და როგორ აუხდა ეს ნატვრა. როგორ ირჩია თვრამეტი წლის უნამ, ორმოცდაათობმეტი წლის ჩარლი ჩაპლინს გაჰყოლოდა ცოლად, და რა საერთო ჰქონდათ და რით განსხვავდებოდნენ ერთმანეთისგან სელინჯერი და ჩაპლინი).

ამ ვრცელი მონოგრაფიის (რომანივით რომ იკითხება) ერთი უდავო ღირსება ისიცაა, რომ ავტორი ფრთხილად, ფაქიზად, თუმცა დაჟინებით ეძებს იმ მიზეზებს, რომლებმაც ამერიკელი მწერლის, მეტი რომ არა ვთქვათ, ცხოვრების უცნაური წესი — საზოგადოებისაგან განდგომა განაპირობა. ამ კითხვაზე პასუხის გასაცემად, პირველ რიგში, თვითონ სელინჯერის რომანსა „თამაში ჭვავის ყანაში“ და მოთხრობებს მოიხმობს, შემდგომ დეტალებს მწერლის ბიოგრაფიიდან მის განდგომილობამდე, სხვა მწერალთა და ჟურნალისტების (კეთილად თუ ავად განწყობილთა) შეხედულებებს, მათ აზრებს... ყველაფერს კრებს, ერთმანეთთან აკავშირებს, საკუთარ, ძალზე ჭკვიანურ დაკვირვებებს გვთავაზობს და ასე, ამ გზით, საკაცობრიო პრობლემებს წამოჭრის და მათზე საფიქრალად განგვაწყობს ჩვენც.

ხშირად „ამერიკული“ საჭირობოტო საკითხები ძალიან ჰგავს ჩვენსას, ქართულს — თანამედროვე საქართველოსიც და განვლილი ხანისაც. მაგალითად, ვერსეუბა ფარისეველობასა და ცრუ მორალთან; ადამიანის, პიროვნების, ინდივიდის არარსებობა და მათ მაგიერ მხოლოდ ადამიანთა ჯგუფების (პარტიების ან სხვა სახის გაერთიანებათა) ჯოგური აზროვნება; ბრძოლა პიროვნული თავისუფლებისთვის...

„სელინჯერის ბიოგრაფიას ვერ დანერდა ადამიანი, რომელსაც მისი არ ესმოდა“, — ამბობს ავტორი ჟურნალისტ ჰამილტონის შესახებ. დანამდვილებით შეგვიძლია ვთქვათ, თემურ გაბუნია ის ადამიანია, რომელსაც კარგად ესმის სელინჯერისა. მან ზუსტად და სწორად იცის, რომ ომიდან მწერალი სრულიად სხვაგვარი დაბ-

რუნდა (განსხვავებული შინაგანი ხედვით) და არა განადგურებული, როგორც ეს ბიოგრაფოსებს ჰგონიათ. ისინი ხომ სელინჯერის განდგომას საზოგადოებისგან უმეტესად იმ ფსიქიკური ტრავმით, სტრესით ხსნიან, მწერალმა, სავარაუდოდ, ომში რომ მიიღო.

შემთხვევითი არაა, რომ სელინჯერის პერსონაჟები უმეტესად ბავშვები არიან. მათი მეშვეობით გააგონებს მწერალი მკითხველს ღვთის ხმას. წმინდა, შეურყენელი ბუნების ბავშვები ყველგან სინმინდეს, სილამაზეს, სიყვარულს რომ ეძებენ.

არსებობს ნიგნები, მსოფლიოში ყველგან ერთნაირად რომ უყვარს მკითხველს. ერთი ასეთი უდავოდ სელინჯერის რომანიცაა — „თამაში ჭვავის ყანაში“. ჰოლდენ კოლფილდი ეძებს ადამიანს, პიროვნებას, რათა გულახდილად ესაუბროს, და ვერ პოულობს. ფოლკნერმა დანაშაული უწოდა ამერიკის ხელისუფლების ქმედებას იმის მისაღწევად, რომ შეექმნათ მითი, თითქოს პიროვნება არარაობა იყო და წონასა და მნიშვნელობას მხოლოდ მაშინ იძენდა, როცა უსახელოდ ჩაიკარგებოდა რომელიმე ჯგუფში (როგორ გვაგონებს ეს ვინ-

ნინო ვახანია

ამბოხება გულცივი სამყაროს წინააღმდეგ

ჯერომ სელინჯერი თემურ გაბუნიათა თვალთახედვაში

თარება საქართველოს უახლოეს ნარსულსაც და დღევანდელობასაც). 1980 წელს ერთ-ერთ ინტერვიუში სელინჯერს უთქვამს: „პოლიტიკოსები ადამიანს ჰორიზონტს უზღუდავენ, მე კი ვცდილობ, გავუფართოვო“. ეს ხომ ყველა მწერლის მიზანი და დანიშნულებაა.

მთელი არსებით ებრძოდა სელინჯერი ხელისუფალთა სურვილს, ოჯახი დაესახათ სიბნელის, ჩამორჩენის, ძველმოდურობის მთავარ წყაროდ. თვითონ რელიგიაში ჩაღრმავებას (სხვადასხვა რელიგიაში) ქადაგებდა, უღმერთობის ეპოქაში კი ეს თითქოს არავის ჭირდებოდა (ისევე ჩვენი თანამედროვეობა არ გვახსენდება?!). ბარემ აქვე ვიტყვი, რომ თემურ გაბუნიათა ნიგნს ძალიან მოხდენილი და ამავე დროს შინაარსს მორგებული სათაური აქვს — „ნამდვილი ბრძოლა“. და მართლაც, მთელი მონოგრაფიის მანძილზე ნამდვილ მე-ბრძოლად, სინმინდის, სილამაზის, პატიოსნების, ერთგულების, ღირსების... ნამდვილ დამცველად წარმოგვიდგება ჯერომ სელინჯერი.

ნიგნში საინტერესოდაა შეფასებული იმ ჟურნალისტთა საქმიანობა, რომლებსაც ბედმა გაუღიმა და მწერალი ინტერვიუზე დათანხმდა. ყველა დროის ჟურნალისტს გაკვეთილად და ჭკუის სასწავლებლად გამოადგება იმ შეცდომის გაანალიზება, რომელიც ბეტი ექსმა დაუშვა სელინჯერთან საუბრისას — იმის ნაცვლად, რომ სერიოზულ თემებზე ესაუბრა, სულ ცოტა, ოთხი კულტურული სამყაროთი და რელიგიით დაინტერესებულიყო, არასერიოზული კითხვები დაუსვა ძველ, ახალგაზრდობისდროინდელ ქმედებებზე, უცერემონიოდ, უხეშად შეეხო სელინჯერისთვის

ყველაზე მტკივნეულ საკითხს მისი ნაწარმოებების ეკრანიზაციისა...




ავტორისთვის, ალბათ, მაინც იმ მიზეზთა კვლევაა, რომელთაც კორნიში განმარტობამდე მიიყვანეს უკვე აღიარებული მწერალი. რაც გადაჭრით უარყოფილია გამოკვლევაში, ესაა მიზეზად ომში მიღებული სტრესის დასახელება.

სხვა ვერსიებს, სხვა შეხედულებებს კი გულდინჯად განსჯის, განიხილავს. ვთქვათ: მწერლის წინააღმდეგ წარმოებულ ალვირახსნილ კამპანიას, გულგატეხილობას იმის გამო, რომ სამყაროში ვერაფერი შეცვალა, ეგრეთ წოდებული პასიური აქტიურობის პრინციპს, მწერლური რეპუტაციის გადარჩენის სურვილსა და სხვას. როგორც ჩანს, მკვლევარი იმ აზრისკენ იხრება, რომ სელინჯერმა განდგომით ერთგვარად გადააჩინა თავისი „წმინდა ხელობა“. თუ სხვები ვერ დაიმსგავსა, თვითონ მაინც არ დაემსგავსა მათ.

რომანის — „თამაში ჭვავის ყანაში“ — მთავარი გმირის, ჰოლდენ კოლფილდის ოცნება — კლდის პირას იდგეს და ყანაში მოთამაშე ბავშვებს კლდიდან გადავარდნისგან იცავდეს — თემურ გაბუნიათა მიერ ახსნილია, როგორც „წმინდა ცნობიერების“, ანუ ბავშვური სინმინდის შენარჩუნების სურვილი. იქნებ ამ ქარაგმის სხვანაირად ახსნაც იყოს შესაძლებელი და არც ის მოსაზრება (თუ მოსაზრებანი) გახლდეს ჭეშმარიტებისგან შორს, მაგრამ იმაში კი ყველა დაეთანხმება, რომ „თამაში ჭვავის ყანაში“ მართლაც ამბოხებაა გულცივი და სასტიკი სამყაროს წინააღმდეგ.

ისიც უნდა ვთქვათ, რომ ავტორის მიერ სელინჯერის მოთხრობების საფუძვლიანი განხილვა სახელმძღვანელოდ და გზამკვლევად გამოადგება ყველას. ამ — ზოგიერთი აუცილებელი — განმარტების გარეშე იმ მოთხრობებში შეიძლება ბევრი რამ ბუნდოვანი ეჩვენოს მკითხველს.

ფოლკნერის, სელინჯერის, სტიინბეკისა და სხვათა შესახებ ნიგნის ბოლოს ავტორი ამბობს: „მათი ნაწარმოებების ნაკითხვა ადამიანს მხნეობას მატებს, მძლიერებთა და სიბარუულით ავსებს“. მეც ზუსტად იგივე მინდა გავიმეორო ამ ნიგნის შესახებ — „მწერლობის ერთ-ერთი დანიშნულებაა ხომ სწორედ ესაა!“



ინტერნეტში ნაგაყვირი სიტყვებს, რომლებსაც მაიკლ დაგლასს მიანერენ, თუმცა, არის ამ სიტყვებში ბევრად მეტი აზრი, ვიდრე დაგლასის სამსახირო კარიერაში: „ჩემი ცხოვრების საუკეთესო წლები ლოთობასა და ალვირახსნილობაში გაატარე! სწორედ ამიტომაც იყო ეს წლები საუკეთესო“.

პაულო კოელიოს წიგნის — „ანგელოზებთან შეხვედრა“ — სპარსული თარგმანი მიყვია 1998 წელს ყაზვინში, მაშინ, როცა ირანში ისეთივე „ბუმი“ იყო ამ მწერლისა, როგორც დღეს საქართველოშია. კოელიოს ირანულმა გრგვინვამ 2-3 წელიწადში გადაიარა... საქართველოში ხშირად მესმის ხოლმე „ირანისაკენ მივდივართ“, „ირანიზაცია ხდება“. რას ლაპარაკობთ? ირანს როგორ დავუწვებით? კოელიოს სიყვარულშიც კი მთელი 20 წლით ჩამოვრჩებით...

დღეს შემთხვევით შემეფეთა ეს თარგმანი წიგნის თაროზე. გადმოვიღე, ჩავეხდე. რა დიდი ინტერესითა და მინანქრებით წამიკითხავს და როგორ არაფერი დამრჩენია, ნეტავი, იცოდეთ!

მე ხომ მარგარიტ ეტვუდზე შევექანდი ამ ბოლო დროს, უფრო სწორად, მის ერთ წიგნზე — „ბრმა მკვლელები“. მეორე, რაც ქართულად არის, ჯერ არ წამიკითხავს. ჰოდა, იმ „ბრმა მკვლელები“ ასეთი პასაჟია: „ერთი ომისდროინდელი წარწერა გამახსენდა: „გახსოვდეს, ენის ტლიკინით გემს ძირავ რიკინ-რიკინით!“ რა სისულელეა, გინდა ასე მოიქეცი, გინდა — ისე, ყველა გემი ბოლოს მაინც ჩაიძირება!“ (თარგმანი თამარ ჯაფარიძისა).

მაგარი გოგოები არიან ეტვუდი და მისი ქართველი მთარგმნელი! რას იტყვით?..

რალა ც საინტერესო დიალოგი გაიმართა ლილისა და ლუკას შორის ამას წინათ. ლუკა მაფრთხილებს: არ დაწერო ახლა ესეც შენებურად, ყველაფერს რომ ფეისბუქზე წერ! მომესწრო ბიჭი! ვერაფერს იტყვი

და ისე, მწერლების შვილები, დიდი ანგარიშით, რატომ ვერ იტანენ ხოლმე მშობლების ხელობას. რა ტრავმების წყაროა ეს მათთვის?

ეს კაცი — ზაქარია არ-რაზი დაიბადა 865 წელს. დიდი ირანელი ფილოსოფოსი და აგნოსტიკოსი: „ადამანთა რელიგიაზე და რელიგიურ ლიდერებზე დაყრდნობისა და მათი რწმენის მიზეზი მხოლოდ შიშიდან და წეს-ჩვეულებიდან გამომდინარეობს. რელიგია არის ილუსტრაცია იმ მსოფლადქმისა, რომელიც იწყება უმეცრებიდან და მთავრდება შავრახმული აზროვნებით“.

ჰოდა, მთარგმნელს მოეშვით! მხოლოდ შუაკაცი ვარ..

ილიკო, მე კი დავინწყე შენგან ნათხოვარი წიგნის კითხვა, უკვე ორი საათია ვკითხულობ და ვერ მოვწყდი! ძალიან, ძალიან შემძვრელი წიგნია! ფილმი მაგასთან ვერაფრით ვერ მოვა. აქ მთელი ტრაგიკული პოეზია! Reinaldo Arenas Avant la nuit... თარგმნეთ ეს წიგნი ქართულად და ჰომოფობია თუ არ გაქრება, იმას მაინც მიხვდებიან, რა საშინელებაა, როცა ადამიანებს რეჟიმის სდევნის მორალის სახელით.

ამ თავს ჰქვია „გაქცევა“... არ ვიცი, მსოფლიო ლიტერატურაში თუ ვინმე გაქცეულა კიდევ ასე უნუგემოდ და ტრაგიკულად. უფრო სწორად, ვინმე გაქცეულს თუ მოუხერხებია, მერე ასე გემრიელად, ზუსტი აქცენტებით მოეყოლა თავის გაქცევაზე... ისევე არენასის „სანამ დაღამდება“...

გიორგი ლობჯანიძე

ქილ-ღვიძილს შორის



დღეს საღამოს, დაღლილს, შემთხვევით, პაატა და თეონა შემხვდნენ რუსთაველზე. დარეკვას ვაპირებდი, შენი წიგნი „თანამედროვე სპარსული პოეზია“ ნავიკითხე და ასევე ლელა კოდალაშვილის ძალიან მაგარი რეცენზია ამ წიგნზე „ახალ საუნჯეში“. რეცენზიაცა, მეთქი, კაცო? კი, აბა, მე ყველაფერს ვკითხულობო! — გამიღიმა. და მე მერამდენედ მივხვდი, რომ სანამ პაატა ნაცვლიშვილი არის და ყველაფერს კითხულობს, არაფრისაც არ მეშინია და ქვეყანა თავის ადგილზე!

*როცა წმინდანები
ჯოჯოხეთში ხედებიან,
ისინი ხედებიან,
რომ იქ წმინდანობა
ყველაზე შემოსავლიანი
ბიზნესია...
მე კი მინდა ვიმღერო
გრიგალში დაღწილთათვის,
მამა გაბრიელ!*

დღეს ჩემს არაბ მოსწავლეს ჰამლეტთან დაკავშირებით ვკითხე, როგორ ფიქრობ, რატომ ბრუნდებიან მიცვალებულები ამ ქვეყანაზე-მეთქი და ბავშვს სერიოზულად შეეშინდა... არადა, მეთორმეტეკლასელია.

ჯალალ ედ-დინ რუმის „მესწვევი“ ერთი საოცარი იგავია, როგორ გარბის იესო მთაზე და როგორ მისდევს ძახილით ვიღაც კაცი. ის არ ჩერდება, კაცი კი მისძახის: რა მოგივიდა, მომიცადე ცოტა ხანს, რალაც მინდა, შეგეკითხოო. იესო ეუბნება: დამაცადე, ჩემი გამჭირვება, თავს უნდა ვუშველოო. კაცი რომ წამოეწევა, ჰკითხავს: კი, მაგრამ შენ ის არა ხარ, ვინც მიცვალებულთ ადადგენდი, ყრუებს ყურთასმენას უბრუნებდი და ბრმათ — თვალისჩინს, ვისაც გემორჩილება ყველა სტიქია, ვინც თიხისაგან გამოქმნილ ჩიტ-

ებს აცოცხლებ, მამ ახლა რაღამ შეგაშინა, რას გაუბრბო? იესო ეტყვის: ბრიყვს, შეუსმენელს. რადგან სიბრმავე და სიყრუე სნეულებაა და წამალი აქვს, სიბრიყვე კი ღვთის რისხვაა, ვერაფერი ვერ უშველისო. დიახ, ამ ორშაბათ დილას მინდა, გითხრათ: მოერიდეთ ბრიყვებსა და შეუსმენელებს. მოერიდეთ კი არა, გაექეცით!

არის ერთი კარგი კაცი და კარგი ფიზიკოსი თემურ ნადარეიშვილი, რომელსაც, ძირითადად, როსტომ ჩხეიძის თაოსნობით გამართული ლიტერატურული თავყრილობებიდან ვიცნობ. მისი ჩანაწერებიც არაერთხელ მომხვედრია თვალში, „სულის ფოტოგრაფიის“ სახელწოდებით რომ აქვეყნებს ხოლმე შიგადაშიგ და ბევრჯერ ალტაცებული დაფრჩინილვარ მისი დაკვირვებისა და ანალიზის უნარით, რადგან ვეთანხმები თუ არა, სულერთია, აზრი მაინც არის ხოლმე თავისთავად საინტერესო და ორიგინალური. ლიტერატურულ თავყრილობებზეც სულ ფანქრითა და უბის წიგნაკით დადის და იქვე ინიშნავს ყველაფერს, რაც იმნუთას გაგონილში თავისათვის მნიშვნელოვნად ეჩვენება. ამ ორი დღის წინათ „თანამედროვე სპარსული პოეზიის“ განხილვაზეც ასევე იჯდა ლიტერატურის ინსტიტუტში. ინერდა და ინერდა რალაცებს უბის წიგნაკი. ამ შეხვედრაზე, სხვათა შორის, სიმინ ბეჰბაჰანის ის ლექსიც ნავიკითხე, რომელსაც სპარსულად ჰქვია „ნაყმიე რუსფი“ — ნაყმიე სპარსულად ჰანგს, ლიღინს, სიმღერას ნიშნავს, ხოლო „რუსფი“ საიდანაც ძველი ქართული როსკიპი მოდის, ნიშნავს ბოზს, რაც იმავს ნიშნავდა ძველქართულადაც და ახლაც, რასაც როსკიპი. როცა ამ ლექსს ვთარგმნიდი, ყველაზე დიდხანს სათაურის ქართულ ვარიანტზე ვიფიქრე. შემეძლო, ქართულად, როგორც „როსკიპის ჰანგე“, „მეძავის ლიღინი“ ან „ბოზის სიმღერა“. საბოლოოდ, უპირატესობა ამ უკანასკნელს მივანიჭე, რადგან ლექსის საერთო განწყობისა და გარკვეული დეკლარაციულობისათვის ასეთი სიმკვეთრე უფრო შესაფერისი მომჩვენდა. საღამოს დასასრულს, თავისი შთაბეჭდილებების

უკვე განდევნილი და გადასახლებაში მყოფი ამირ ქაბირის სიტყვები ყოფილა: „თავიდან ვფიქრობდით, რომ სახელმწიფოს მცოდნე ვეზირი უნდა. მერე ვფიქრობდით, არა, იქნებ, მცოდნე მეფე უნდაო. ახლა მივხვდით, რომ მცოდნე ვერ სჭირდება!“ უზუსტესია, ასე ვფიქრობ მე თავიდანაც და ბოლოდანაც.

ლუკა ჩემს გასაგონად ლილის მოძღვრავს: ნადი, იმეცადინე, ჩე ლეპტოპი მე მომეცი და შენ წიგნში ჩაიხიდე, ინგლისური კითხვა ისწავლე. აი, ვერ ხედავ, მამა სულ რომ ზის და ამ ასაკშიც მეცადინეობს? ინგლისურის სწავლა ახლა გადამწყვიტა და ნახე, როგორ ისწავლის ცოტა ხანში! იმიტომ, რომ მეცადინეობა უყვარს! ლილი ზის, მრგვალი, ანთლებული, ჩუმ-ჩუმად თვალს ჩემკენ აპარებს და კუჭკუჭებს. ორივე იცინის...

რა საშინელი წიგნებით სწავლობენ ჩვენი პირველ-მეორე კლასელები „დედაენას“. ვიღაც საბავშვო ავტორები, კაციშვილს რომ არასოდეს გაგვიგონია, აუნყოფელი და ასაკთან შეუთავსებელი სწავლების პროცესი, გარემოსთან და ბავშვის ალქმასთან შეუხამებელი ლექსიკა... მოკლედ, სრული კატასტროფაა. მაგალითად, სასწავლო წლის მეორე დღესვე გაკვეთილად აძლევენ ზღაპარს „ბრძენი კუ“, სადაც ასეთ რამეს ვკითხულობთ: „კუმ იფიქრა: მოდი, რაც ქვეყანაზე სიბრძენია, შევაგროვებ და ყველაზე ჭკვიანი ვიქნებიო. ადგა, მწარე გოგრა გამოქურთნა, მხარზე გაიდო და გზას გაუდგა. სადაც კი სიბრძენის ნააწყობებოდა, გოგრაში ტენიდა და თავს ნაქურჩალით უკრავდა — არსად გამეჭვქესო.“

ლილი ტანჯვით კითხულობდა ამ აღმოსავლურ ზღაპარს. ვკითხეთ, გაიგეო. ჯერ თვალთმაქცობა და საკუთარი ნიჭიერებით ფუჭად ალტაცება არ უსწავლია,

ამიტომ გულწრფელად გვითხრა: ვერაო. ჯერ ჩვენ გავიგეთ ტექსტზე დართული განმარტებიდან, რომ „გამოქურთნა“ თურმე არის „გული გამოუღო“, ხოლო ნაქურთნალი — „სიმინდის ღეროა“. ავუსხენით ბავშვს და ლილი გაგვიჯიუტდა, მაინც ვერ გავიგეო. რატომო, შევეფოთოდით, როგორ ვერ გავიგეო? გვითხრა: კარგი, ეგ ყველაფერი მესმის, მაგრამ სიბრძნე ძირიდან როგორ უნდა აიღო ასე (პატარა ხელის პეშვებით გვიჩვენებს) და რალაცაში როგორ უნდა ჩადო, ეგ არ მესმისო!

ობიედ ზაქანის იგავია. მიყვარს ასეთი „ხულიგანი“ მწერლები ყველა დროსა და საუკუნეში: ერთ კაცს ხურჯინი მოჰპარეს. ვილაცამ ურჩია, მიდი, სურა „ია-სინ“ წაიკითხე, რომ დაკარგული ისევ იპოვნო. კაცმა უთხრა: იმ ხურჯინში მთელი ყურანი მედო!

ერთხელ ჩემმა მეგობარმა (მწერლობაში დაახლოებით მისი თაობისამ) პირში უთხრა რეზო ჭეიშვილს: რეზო, შენ ხარ ყველაზე კარგი მწერალი და ყველაზე ცუდი ადამიანი ჯერ კიდევ ცოცხლებში. იყო ამ ხუმრობაში ძალიან დიდი სიმართლე, თუმცა რეზომ ამის გაგონებაზე გაიცინა და მთქმელს, რომელიც შეთამამებული იყო მასთან, გულწრფელად გადაეხვია, რითაც დაამტკიცა, რომ არც ისეთი ცუდი ადამიანი იყო... როგორც მწერალი ხომ არ უნდა ლაპარაკი. ჩემი აზრით, რეზო ჭეიშვილმა ყველაზე უკეთ შეძლო, მხატვრულად აესახა თანადროული საბჭოთა აბსურდი! ძალიან, ძალიან დიდი შემოქმედი იყო!

მაღე ჩემ მიერ არაბულიდან ქართულად თარგმნილი „ქილილა და დამანა“ გამოვა. პირველი ვარიანტი 20 წლის წინათ ვთარგმნე და 2002 წელს გამოიცა. მეორე გამოცემისათვის ტექსტი სერიოზულად გადავამუშავე. ოღონდ სანამ მუშაობას დაიწყებდი, დიდხანს ვერ გავეკარე: მეშინოდა, რომ საერთოდ აღარ მომეწონებოდა 20 წლის წინანდელი ნაშრომი და გამოცემაზე გული ამიცრუვდებოდა. კიდევ კარგი, ასე არ მოხდა, მაგრამ რომ ვერ ვისვენებ: ისევ დავიდე დედანი, ისევ მივეყვი (ამჯერად სხვა ვარიანტს) და უამრავი რამე გავასწორე! არ შევხებოვარ ტექსტის კამერტონს: ის თავის დროზევე უზუსტესად მექონია დაჭერილი და ცხადია, არ შემიცვლია იმ არაბულ გამოცემაში კორექტულობისათვის შეტანილი ცვლილებები, რითაც ამჯერად ვსარგებლობდი. მაგალითად, ერთგან ქალი საყვარლის გამო, მძინარე ქმარს შხამით საველერნაშს უკანალში ჩაუყოფს და მეორე ბოლოდან აპირებს, რომ სული შეუბეროს. ამ დროს მძინარე კაცი ქარს გამოუშვებს და თვითონ ქალს გადასცდება ყელში ეს შხამი. ამ გამოცემაში კი წერია, რომ ქალმა ლერნამი კაცს ცხვირის ნესტოში შეუყო და მძინარეს ცხვირი დააციმინა. მიყვარს ეს დიადი წიგნი. აბასიანთა ხალიფა ალ-მა'მუნი თურმე მოწინებით ინახავდა მის არაბულ ხელნაწერს, ხოლო როცა ხალიფას ვეზირის, იბნ საჰლისათვის უკითხავთ, ყურანი როგორ მოგწონსო, მიუგავს: „ქილილა და დამანასავითო“. მეამაყება, რომ „ქაღალასა და დიმნას წიგნის“ მთარგმნელი ვარ!

თავიდან რომ გადავხედე, გიორგი შატბერაშვილის ლექსები ოდნავ მოძველებული და გულუბრყვილო მომეჩვენა. მერე კარგად ჩავუღრმავდი და შიგადაშიგ საოცრებები ვნახე ამ ერთტომეულში, მაგალითად „არსენა ყაჩალი“: „ახლა მთვარე უჩადროა, ხარისთვალა მოჩანს, ჯერ ადრეა, ბრწყინავს ზეცა — ვარსკვლავების ხონჩა, იისფერი ეკიდება თრიალეთის ლაჟვარდს, ნისლის ჩოხებს ეხიდება ცისფერ გარიჟრაჟთან. მეხრე ბიჭი ზის ფარეხში და აუღერებს ჩანგურს: შავლეგ, შენი შავი ჩოხა შავლეგო, შავად შეგიხამებია, შავლეგო, შავლეგ, შენი ყანძიმები, შავლეგო, შენი შავი ჩაბალახი, შავლეგო...

„ცოცხალი წიგნები“ თეატრალურ აფიშაზე



სანამ მხატვრული სიტყვა ცოცხალია, სანამ მწერლებს გული უძგერთ და სანამ მათ მკითხველი ელოდება, პროექტ „ცოცხალი წიგნებისა“ არ უნერია დასრულება. ერთი წლის წინათ, როცა საქართველოს კულტურისა და ძეგლთა დაცვის მინისტრის მრჩეველ ქეთი დუმბაძეს პროექტის იდეა დაეხადა, ალბათ ვერც წარმოიდგენდა, რამდენად მნიშვნელოვანი აღმოჩნდებოდა იგი მწერლებისა და მკითხველებისთვის, რამდენად მნიშვნელოვანი და რამდენად დიდი გამოხმაურება მოჰყვებოდა საზოგადოებაში.

პროექტში 75-ზე მეტი მწერალი ჩაერთო — მოიარეს თითქმის მთელი საქართველო, არ დაიწყებიათ ჯარისკაცები და პატიმრები, ყველას მიაწვდინეს ხმა, თავიანთი ცოცხალი სიტყვა, წიგნები. ალბათ არავის გაკვირვებია, რომ საახალწლოდ, საზოგადოებრივი მაუწყებლის ჯილდო „წლის საუკეთესო მოვლენა ლიტერატურულ დარგში“ სწორედ პროექტ „ცოცხალი წიგნების“ გადაეცა. აპრილამდე უნდა დაესვენათ, გაზაფხულზე კი, ჩვეულებრივ, მოგზაურობას გააგრძელებდნენ, მაგრამ როდის იყო,

„წიგნები“ ისვენებდნენ. ამიტომ გადამწყვიტეს, ახალი სახით „გადაშლილიყვენ“ ახლა უკვე თბილისელი მკითხველისთვის. 20 იანვარს, კულტურისა და ძეგლთა დაცვის სამინისტროში შეკრებილმა საზოგადოებამ შეიტყო, რომ „ცოცხალი წიგნები“ გრძელდება. პროექტის ახალი ეტაპის პრეზენტაცია მინისტრმა მიხეილ გიორგაძემ, პროექტის ხელმძღვანელმა ქეთი დუმბაძემ და მარჯანიშვილის თეატრის სახელმწიფო დრამატული თეატრის დირექტორმა ეკა მაზმიშვილმა გამართეს — „ცოცხალი წიგნები“ თეატრთან თანამშრომლობას იწყებს.

მთელი წლის განმავლობაში, ყოველ მესამე ორშაბათს, მკითხველი საყვარელი მწერლების შემოქმედებას მონოსპექტაკლების სახითაც გაეცნობა. ლიტერატურული სპექტაკლები გაიმართება მარჯანიშვილის თეატრის საზოგადოებრივი სთავის დასარება თავისუფალია. პირველად სცენა დაეთმო ლია ლიქოკელს, „ცოცხალი წიგნები“ შეხვედრა პირველ თებერვალსა და ნინოშვილი, სალამოს 8 საათზე. ბილეთები თეატრის სალა-როებში იყიდება...

ბუნებრივად მოვიდა პასუხი: „და თქვა ქილილა არაკი“...

ლილი გვეკითხება ოჯახის წევრებს: აბა, რა არის ა' კაკალ? საერთო მხიარულებაში გვიხსნის, რომ ეს არის კაკალი აფხაზურად და უკმაყოფილო დასძენს: ძალიან ცუდია, რომ თქვენ არც ერთს არ გაინტერესებთ აფხაზური! ხუმრობა იქით იყოს და, ამასობაში ისწავლა: თვეების სახელები, ფერები, რამდენიმე საბავშვო სიმღერა. რა თქმა უნდა, ყველაფერი დამოუკიდებლად, ლექტორში ჩატვირთული პროგრამის დახმარებით. მოკლედ, ეს ნამდვილი ინტერესია და ძალიან მიხარია!

ჩემს სამი წლის წინათ დარგულ ატმის ხეს კიდევ პირველი ნაყოფი გამოუღია. იმდენი ესხა, ბიჯგი შევეყუდეთ, რომ ნერგი არ გადამტყდარიყო. მაგარი განცდაა. დაახლოებით 20 ნერგი დავრგე და აქედან 6-მა გაიხარა საბოლოოდ. ესეც კარგია!

მიყვარს ეს 19 აგვისტო. მიზეზი მაქვს: 1987 წელს (აუუუ, რა შორს მომესმა!) სწორედ ამ დღეს გაზეთი „ახალგაზრდა კომუნისტში“ პაატა ნაცვლიშვილის არაჩვეულებრივი წარდგინებით ჩემი 41 ლექსი დაიბეჭდა. იმ დღიდან ან ავშენდი ან დავიღუპე! დღემდე ვერ გამიკრკევია. ეს დღე კი მიყვარს...

ბესო ხვედელიძე სხვისი კბილები

დასასრული

— ბანძ პონჩი გავიჩითეთ, ჩემი ძმა! — აწყნარებდა ლექსო მიცვალებულის შვილს თავისმხრივ, — კაცმა კბილები დაკარგა და პადვალში ჩაუვარდა... ძალიან უხერხული სიტუაციაა... ჩვენ მოგვიტყვევო. — ვიზილავთ თვენ ტლაგედიას! — ვთქვი მე. — რა თქვი, ბიჯო?! — პროთეზი, ძმა... კბილის... — აკავებდა ლექსო შვილს, — დააცემინა და გადმოუვარდა... ქვემოთ ჩაგვივარდა... სარდაფში, ჩემი დედის ძვლებს გეფიცებით... — როგორც იქნა, ყველაფრის გარკვევის შემდეგ დამშვიდებულმა შვილმა ორივენი სამზარეულოში გაგვიყვანა და დედამისის შესანდობარი დაგვალეგინა. მერე უცებ აუხსნა თავისიანებს საქმის ვითარება და ყველა პირზე ხელის აფარებით აახორხოცა.

— ოქროსი ხომ არ იყო? — ჩურჩულით გადმომეკითხა მამა. — ჯვარივით უნდა ჩამოიკიდო, ძმა... — მირჩია შვილმა და სასმისი შეავსო. ყველანი ხითხითებდნენ. მე და ლექსო კი ვიდექით ობოლი სელაპებივით, მე უკბილო ღრძილებს ვაფრენდი და მეჩვენებოდა, თითქოს ქლიავისფერი მიცვალებული ილიმებოდა.

სარდაფის კარი მამამ გააღო. — მიდი პირველი, ნიქარ... — მიბიძგა ხელი ლექსომ.

ყველანი ფარნებით, მობილურებით და სანთებლებით ვიყავით შეიარაღებული. აქ იყო ლექსოც, ჭირისუფალი მამა-შვილიც და ხორციანი დედაკაცებიც. ერთი, მიცვალებული არ ჩამოგვყოლია. ყველა-ნი გულმოდგინედ გვეხმარებოდნენ პროთეზის მოძებნაში. ისევ არაფერი ხეირი.

— თამარ მეფის საფლავია, ბლიად? — იკითხა გაღიზიანებულმა ლექსომ, — არსად არაა, ჩემი დედის ძვლებს გეფ... — სიტყვა არ ჰქონდა დამთავრებული, საშინელი ტკაცანი რომ გაისმა. როგორც რამდენიმე წამში გაირკვა, მიცვალებულის მულმა ისეთი დააბჯინა კოტიტა ტორი ჩემს მრავალჭირნახულ პროთეზს, რომ ადგილზე გადატეხა ნელში და სამუდამოდ დაუკარგა დანიშნულება.

მერე გათენებამდე ვისხედით ლოჯში და ვისხამდით ღვინოს — მე, ლექსო, მიცვალებულის ვაჟი და მამამისი. ჭადს ვანობდით ლობიოში და ფეხზე დამდგრები ვილოცებოდით. ვსვამდით მიცვალებულების და ყველა დედის ძვალთა ხსოვნის სადღეგრძელოს. დილისკენ ყველანი გატილებულები ვიყავით და მეტი არც არაფერი მახსოვს.

შუადღისას ჩემ სანოლში მეღვიძება. თავში სრული სიცარიელეა. ტუმბოზე ჩემს ძველ, ორად გატეხილ პროთეზს ვამჩნევ, არადა, გამომშრალ-გადასიებული ერთი პირშიც კბილებს ვგრძნობ. ძლივს ვდგები სანოლიდან, სარკესთან მივლასლასებ და ვიყურები. პირში პროთეზი მიდგას. ეს ისეთია — ადვილად მოსახსენი და ჭიქაში ჩასადები.

ყველაფერი კაი, მაგრამ საიდან? არაფერი მახსოვს. სასწრაფოდ ლექსო უნდა ვიპოვო. ქლიავია ეგ ჩემისა? ეს ვისი კბილებია, ჩემი კაი... ვურეკავ. იმასაც არაფერი ახსოვს და ჯერ კიდევ ძინავს.

— რა სხვისი კბილები? დავაი რა, ჩემი დედის ძვლებს გეფიცები... აქ აღარ დარეკო! — მითიშავს ტელეფონს.

ისევ სარკეში ვიყურები და ვაკვირდები. მგონი ქალისაა, არადა მიხდება... ამას დღეში სამი ჭიქა ყავა და ორი კოლოფი სიგარეტი მაინც უნდა, თორემ ძალიან ჯულია რობერტსივით ვქატიკავ... უკვე საზარელი ეჭვები მიპყრობს.

აქ უკვე გაბეულია თუ მიშვლია. მაგრამ გაბეულია ქლიავია... მეც ქლიავი ვარ. ლექსოც. და საერთოდ — ჩემი ცხოვრებაც ერთი დიდი ქლიავობაა, მით უმეტეს, ასეთს რომ გეღვიძება ცხოვრების ერთ რიგით დღეს — სხვისი კბილებით პირში...

ზაალ სამადაშვილს წიგნის მიმართ ორნაირი დამოკიდებულება აქვს. ერთი ისეთი, როგორც ყველას — უბრალოდ უყვარს; მეორე ისეთი, როგორც ყველას არ აქვს — წიგნი იცის.

წიგნის ცოდნა იოლი საქმე არ არის. გამოცდილებასთან ერთად გემოვნებას მოითხოვს, თანდაყოლილ უნარს, რომელიც ხელოვნების არსის სწორ, შეუმცდარ განცდას გულისხმობს.

განცდიდან იწყება ყველაფერი, რაც აღქმაში შემოდის და ანალიტიკაში გადაედინება.

წიგნის ისე გრძნობს, როგორც კარგი მონადირე ნადირს. არც ერთი ნიუანსი არ გამოეპარება. აღიქვამს ფორმით, ზომით, ფერით, სუნით, შრიფტით; კითხულობს ქვეტექსტებს, ქარაგმებს, ნიშნებს, ნახევარტონებს, დეტალებს. წიგნი მისთვის ის არის, რაც ლოთისთვის სასმელი, ოლონდ იმ განსხვავებით, რომ ლოთი არ ახსენებს სასმელს. მას შეუძლია წიგნზე ილაპარაკოს უსასრულოდ და თანაც ისე, რომ ეს საუბარი არც ერთ შემთხვევაში არ იყოს უსაგნო, განყენებული, გრძნობებს აყოლილი. ყოველთვის აქვს არგუმენტი, თეზა, ანტითეზა, დასკვნა.

ერთი სიტყვით, ტექსტის მცნობელია, მგრძნობელია, განმცდელია. იცის, რა იწერება, როგორ, რისთვის. როგორც მწერალი, დეტალების ოსტატია, როგორც მკითხველი — დეტალების აღმომჩენი. კითხვის დროსაც მწერალია, ნაკითხულიდან თავის ტექსტს ქმნის, თავის ვარიანტს, თავისუფლად ანალიზებს დეტალებს, ისე არჩევს ნიუანსებს, როგორც მოჭადრაკე ნათამაშევი პარტიის სვლებს.

შემოქმედისა და ანალიტიკოსის სიმბიოზი ზაალ სამადაშვილის ტექსტებში ყოველთვის შეიმჩნეოდა, მაგრამ ბოლო დროს თვალნათლივ გამოჩნდა, რომ ამ ორი საწყისის თანაარსებობა მისი მსოფლმხედველობისა და ხასიათის განმსაზღვრელი ფაქტორია. 2015 წელს „ინტელექტმა“ გამოსცა მისი მოთხრობებისა და ჩანაწერების კრებული სათაურით „იუნკერ ერისთავის ბუცები“. შეიძლება ითქვას, რომ ეს არის წიგნი-პორტრეტი, რომელიც გვიჩვენებს ავტორის ორ-

ერთიან ხასიათს, შინაგან ბუნებას, მის დამოკიდებულებას დროის, სივრცის, საგნებისა და მოვლენებისადმი. ხედვის, ფიქრისა და განცდის გაგრძელება ანალიზი, განსჯა, გააზრება. იქმნება ტექსტი და მასთან ერთად იქმნება საშიშროება, რომ ყველაფერი დაანგრის ერთმა არასწორმა დეტალმა, მოუზომავმა ნაბიჯმა. მაგრამ ზღვრულ სიტუაციაში, რაოდენ უცნაურიც უნდა იყოს, სწორედ იქ ჩნდება საიმედოობის გარანტია, საიდანაც საშიშროებას გრძნობს. სიზუსტე, დეტალების სისწორე ითავსებს ქმნადობის ფუნქციას. შეიძლება ეს იმდენად დაკვირვების უნარი არ იყოს, რამდენადაც დანახვის, შემჩნევის, გარკვევის ნიჭი. სწორად მხედველი გონება. ცოტა არ იყოს, ტენდენციური, მშფოთვარე, მბორგავი, უკომპრომისო, მაგრამ საგანზე ორიენტირებული, გამბედავი, მიმგნები. უთუოდ არის ამაში პიროვნული, სუბიექტური, მაგრამ არის, რაღა თქმა უნდა, ზეპიროვნულიც, ის, რაც სუბიექტის გარეთაც იგულისხმება, რაც შენთან ახლოს მოდის და მართლაც გრძნობ, რომ მწერალი მარტო არ არის თავის განსჯაში და არც შენ ხარ მარტო შენს აღქმაში, ორივენი ერთად ხართ, ერთად ფიქრობთ, ერთად ხსნით მოვლენათა ამოცანას. ერთად იწყებთ და ამთავრებთ კითხვის პროცესს. სადღაც, ინტუიციის


ივანე ამირხანაშვილი

თანაგანცდის გაკვეთილები

სიღრმეში იბადება იდეა, რომელსაც მოჰყვება მხატვრულ-ლოგიკური ოპერაციების ჯაჭვი. მოქმედებაში შემოდის პრინციპი, რწმენა და პასუხისმგებლობა ქმნა-იტების წინაშე. სტრუქტურული ერთეულები ერთმანეთს ენაცვლება, რიგებად წარმოდგება ნიშნები და მნიშვნელობები. ნაბიჯ-ნაბიჯ მივდივართ ინდუქციისკენ. შეკითხვების ზონები პასუხის სივრცეს უერთდება. წერის ქვეცნობიერი მიზანიც ალბათ ეს არის — თანაშემოქმედება, უფრო სწორად, თანამშრომლობა, ერთად მიგნება, ერთობლივი თანხმობით დადას-

ტურება იმისა, რასაც ვფიქრობთ, უკაც-რავად ტრუზიმისთვის, აქ და ახლა.

კალამს მიდევნებით დანერილები — ამ ციკლის ერთ-ერთი უსათაურო ჩანაწერი ფრანსუა ტრიუფოს ფილმს ეხება. „ნაზი



მიმანიშნებელი დეტალი: ლიაშენ და მისი შეყვარებული სოფლის პატარა სასტუმროში გაჩერდებიან. დილით ქალი გარეთ გამოდგამს ლანგარს, რომელზეც საუზმის ნარჩენები აწყვია. მოდის ჭრელი კატა, საცოდავი კნავილით დადის ლამაზაქებსა და ჭიქებს შორის, სასუსნავს ეძებს. ზაალ სამადაშვილი შენთან ერთად იხსენებს კატის ეპიზოდს: „ნელა ირგვება, ფრთხილად მოძრაობს ჭიქებსა და თევზებს შორის, ცდილობს არ აახმაუროს ისინი. მიუხედავად ამისა, ლამაზაქებზე ფინჯანი უყირავდება, კოვზიც ხმაურით ენარცხება თევზს. თეორ ნინსაფრიანი მოახლე რომ წამოადგეს თავზე, აუცილებლად დასჯის. ამ ფილმის სხვა მნახველებისა რა მოგახსენოთ, ჩემთვის კი ეს ფისო ბატონი ლიაშენა, თავისი ჭკუით მყიფე ნივთებს შორის ფრთხილად მოსიარულე კაცი, რომელიც მოახლის რისხვას ვერ გადაურჩა“.

პირველად რომ ვნახე ეს ფილმი, მას შემდეგ სულ ვფიქრობდი ამ, ერთი შეხედვით, უმნიშვნელო დეტალზე. მართლაც რა არის ისეთი, კატა მოდის გადასაყრელად გამზადებულ ნარჩენებზე. ამაზე უფრო ჩვეულებრივი რა უნდა იყოს. თითქმის არც არაფერი, მაგრამ ტრიუფო უმიზეზოდ და უმიზნოდ კადრს არ გადაიღებს, რაღაც იგულისხმება, რაღაც დატვირთვა აქვს, სხვა შინაარსი, ალბათ უფრო ქვეცნობიერი, დაფარული, შენიღბული, ალეგორიული, ასოციაციური, გადატანითი. დააკვირდი, ამოსხენი, განმარტე, მაგრამ მარტო დაკვირვება არ შევლის, ხედავაც უნდა, სპეციფიკური უნარი, ცოტა სითამამეც, რისკიც. ჩემთვის ეს ფისო ბატონი ლიაშენაო, ამბობს მწერალი, უბრალოდ, თავისუფლად, ძალდაუტანებლად და გრძნობ ნათელხილვის მომენტს, მიგნების ეფექტს, რისკის ფასს. ხომ შეიძლება ეს ასე არ იყოს, სხვა რამეს ნიშნავდეს, სხვა იგავი იგულისხმებოდეს, სხვა მინიშნება. რა თქმა უნდა, შეიძლება, თუმცა ამჯერად მთავარი ხომ ის არის, რომ გადაიდგა ნაბიჯი პირდაპირი, მართალი, პრინციპული, რომელიც სწორი გეზი მონიშნა, მართებული დასკვნისკენ წაგიყვანა, თავისუფლად აზროვნების სტიმული მოგცა. ეს არის თანაშემოქმედება, თანაზიარობა, თანამოღვაწეობა, თანამოაზრობა, თუნდაც თანამზრახველობა.

და კიდევ — თანაგანცდა! მკაცრი პრინციპი. თანმიმდევრული კონცეფცია, თავისუფალი მანერა. ტექსტის სამკუთხა სტრუქტურა — ამბის თხრობა, იდეა, გააზრება: ავტორი-პერსონაჟი-მკითხველი. მაგალითად, „კლარა ექიმი“. უაღრესად თბილი, ანალიტიკური თხრობა პროვინციული ამბისა, რომელიც ავტორს ძველ ჩანაწერებში უპოვია. შენ თვალწინ იმსხვრევა რომანტიკულად განწყობილი ქალის ილუზიები, ქრება იდილია, რუტინა შთანთქავს ოცნებებს, მაგრამ ადამიანი არ ტყდება, არ კარგავს შემართებას, სიმტკიცეს, სულის სიმბაღს. განცდას აღრმავებს ავტორისეული გადახვევები, კომენტარები, ვარაუდები, კითხვები, განსჯა-დაფიქრებანი მკითხველთან ერთად. მოგწონს — არ მოგწონს, სხვა საკითხია, ავტორი შენთან არის, შენ — მასთან, ორივე ერთად — პერსონაჟთან, განცდებიც იყოფა, საზიარო ხდება, თანაგანცდის რეჟიმში ერთვება ფიქრი და ემოცია. ასეთია ზაალ სამადაშვილის პროზა — ფორმით სუბიექტური, შინაარსით ემოციური, იდეურად ობიექტური. აქ ყველაფერი მოძრაობს და მოქმედებს ერთი მიზნით, გვიჩვენოს ადამიანი შიგნიდან, შინა-არსიდან, დაფარული მხრიდან, სადაც თავს იყრის ყველაზე სათუთი და ტკივილიანი განცდები. ეს კრებულიც არის ისეთი, როგორც შეიძლება გამოუვიდეს მწერალს, რომელსაც წიგნის მიმართ ორნაირი დამოკიდებულება აქვს. ერთი ისეთი, როგორც ყველას, უბრალოდ, უყვარს, მეორე ისეთი, როგორც ყველას არ აქვს — წიგნი იცის.



ლიტერატურული გაზეთი
საქართველოს კულტურისა და ძეგლთა დაცვის სამინისტრო
საქართველოს მხარეთა სახლი
რედაქტორი ირაკლი ჯავახიძე
რედაქტორის მოადგილე უჩა შერაზადიშვილი
ჟურნალისტი თამარ ჟურული
მობ. ტელ.: (577)742277; (599)269852; e-mail: litgazeti@yahoo.com
ISSN 2346-7940
9 772 346 794004